捣藻堂四庫全

書薈

要要

集部

一致定四庫全書 普要 集市

詳校官候選知縣臣吳甸華

者然古之立言者未必皆不然亦說詩者不以文害辭 加子厚古者也其間亦大有務辯而理屈趨文而背實 子厚文皆雄辯疆據源淵 欽定四庫全書管要卷一萬四十二集部 2 書 宋文鑑卷一百十九 周外時得南方人道譽盛徳甚相為慰快又聞得 代韓愈谷柳宗元示浩初序書 į 1. 1. 宋文鑑 衍長世之名文者多矣未見 宋 日祖謙 編

情與然不與孔子異道雖聖人復生不得而斥也子厚 聖人作卦之因是也其中則曰有天地然後有萬物 甚 君子之出處事業至於次第配 知真子厚作否也雖然子厚素有之宜真子厚作然反 (讀之盆 不思哉夫易自乾坤以及未濟皆人道之始終賢聖 邪來序稱浮屠誠不可斥者 端也愈皆置之近有傳送浩初序者讀而駭之不 「駭而疑恐他人作 然也不然子厚何見禍太 往 類莫不倫理故孔子 往 [與易論] 語合其 原

卷一百十九

過 絶 日 父子有父子然後有君臣 萬 未 君臣拂滅 物 主器莫若長子故受之 後 弟 也歸 子問 禮義有所 然後有男女有男女然後有夫婦有夫婦然後有 能事人馬能 妹女之終也未濟男之窮也而皆不若浮圖棄 仁問 父子 政 錯夫 事思未 問忠之 斷 除 婦之道不可以 夫 婦之說 以震其下則 知生馬 類 有君臣然 耳于鬼 論語二十 知 死 神 不 後 又 與 有上下有上 曰 久也故受之以 非若 死之 漸 篇大率 女歸待 浮屠氏 類 則 智 男

た

2

Ď

`

1.5°

宋文魁

客其餘 E 者遂不思其患而好學邪是猶赦禁跖之誅以耳聞 夸誕牵合於以塗瞽天下而云也不識子厚謂與易論 之美者且子厚謂愈所 合者何哉借如其中萬 有 剱以逐父兄謂其為迹則 知子厚之學果中與迹異邪夫然子厚心仁義 不足觀也已况又去夫婦父子而無萬一於 類夫堯也孔子曰 好者迹也而 如有周公之才之美使騎 偶禍吾聖人之言則君子 亦可称子厚亦患愈斥 不 知其石中有 周 而 Ð 而

埞

匹

厙

重

皆 者 也嗚呼子厚又不思哉皆者孔子作春秋諸侯用夷禮 佛之甚有罪者也以智者觀之不知堯舜孔子果當 舍 子不得斥犯子以迹而不思其中也聖如孔子者 若浮屠之拂 圖以夷及為之說日將友盗跖惡來而賤季札由 則夷之若祀 猶 議前世盛徳者而皆無一得也若堯舜孔子 不免子厚之過邪又不知子厚謂季礼由余 君臣父子那不然則不也愈當探 侯 稱子是也若愈不得斥浮屠以夷則 佛 者 者

徧 祀 異佛 愛人急親賢也不 也將讀而盡信之 物 阚 其書則 而 其大不與 以堯舜之智不 佛實也自孔子死千數百歲獨孟子卓然獨立 而得罪 問 無齒决是之謂 教 書 人與 佛 也甚矣且不 合者則 利 邪 驅除 能三年之丧 **福爱物急先務也以堯舜之仁** 岩百十九 抑徒 龍蛇 不 岩 君子 知子 取 矢口 一般牛性犬豕以養老祭 其一二而棄其十百也 務 親 厚之 以是言之是孟子 而 總 親 讀堯舜孔孟之 而 11. 功之察 仁民仁民 放 而

欽

定四

庫

全

摘棄於朝乃至不自能寬存以至於陷夷狄而不悔· 薄於中而急於外者矣情乎何至是哉今子厚雖不幸 終死而不悔乃至有負石而自沉者以君子觀之是皆 不則孔佛不相為容亦已較然何獨子厚能容之也愈 無過也以求其不愛官不能爭樂山水而嗜安問者 於中而急於外在盛德者雖不當然然智者觀之不 觀士之不蹈道者一失於君則轉而之山林犀靡鹿

片則

2

) <u>6</u>

Z. d.15

宋之鑑

四

浩初之心尚可安於麋鹿也必消於虚高之言而遺

自 售害完而暴鐮之謂為毀也可矣其從來不為器者是 今人之謂有智者為毀釋氏釋氏非毀之也譬之器然 ,倫之大端其比於負石而沉河者孰得哉愈嘗笑

疠

盾

卷百十九

其有不取此以假彼者邪况又玩其說者常名儒 然爾豈人毀之邪此皆不知道者之言也自釋氏之 入中國流千數百年其徒樹其說而枝葉者衆矣鳥

說

孟子謂矢人豈不仁於函人哉豈無盡意邪正謂是也

佛之禍福可求其言可信其教等於堯舜孔子而

絕去其人皆千萬有餘里然一日欲之則無不如意而 象蜀里之錦楚南荆北之材天下之殊也然皆水斷陸 富贵矣何求而不得哉窮南之珠極西之玉山海之犀 我異愈肯自為之邪雖然子厚循謂愈為之也子曰道 信然哉石中之玉信何如也 不遠人為釋氏者竟不遠人耶謂為聖人不得斥者果 邵不疑書 **秋之殿**

上之則君子者先衆民而學具行之矣伐彼善而固為

矣富貴者皆是也而素完之人信為之士不幸而世不 欲之假有欲之而可從者誰也斯語不敢講於人外 有富贵假有求而欲得之非其義也非其道也則其人 不屈不可以勢動也行義以達死不可以力脅也世 不可得者士也士則有窮而無求不可以貨取也賤而 易之則其得如取耳故曰富貴矣何求而不得哉唯其 至前何其甚易如出於左右然哉能不受珍幣重寶以 釭 定四庫全書 / 耶世之藏珠玉象犀而衣錦以居荆楚之材者多

閣下乃獨恤人之孤世之人方思得其所無而閣下乃散 **曾聞阁下其所好惡為與不為殆有異於世富貴者而** 時適無可親者則止矣世之人靡靡方以竊禄從事而 其所有以某之甚賤才謀不足以裨左右之長譽說不 今雖不肖切有意於古之士願學之而昔者有一日之 之異也故今且將終其所賜以實閣下之徳馬夫高 而閣下以令有姊以貧而不嫁過時將金帶而資之 取當世之重不識閣下是誠何求哉信亦與長世 宋文鑑

歃 難 亦 有也 與 此去有餘而就不足以求之良以閣下之所好惡而 地是以勢不能分高以借人力不能舉重以與士也 而令解不從今則謁之而 定四庫全書 明 故不造海席逾年仰懷温諭三反朝夕仲冬漸寒 矣而 不為者與世之富貴者異也異日閣下當有以賜 與趙大觀書 時之人勢力出阁下者猶聚然不之彼 卷百十九 阁下之所得士自信 STATE OF THE PERSON NAMED IN COLUMN TWO IS NOT THE OWNER. 張 載 如此 而

明 固 弊點養吾誠所患日久不足而 者 聞 幹行李勤止載抱愚守迷未厭山僻修慝免過弗 職公餘寢與百順唇書惠顧欽佩 明賢謂之然否更賜提耳幸甚末由前拜恭 力所逮叔愛自厚以需大者之來不勝 覧如見 反約窮 撰述空自言摹鄙謬竊皆病孔孟既沒諸 ALIO I 肺 源勇於苟作持不追之資而急知後 肝然多見其不知量也方且創艾其 宋文鑑 未 果它為也辱問 加邮無聆被青 切 t 切 帷 及之 儒 世 置

t

3

Э

100

浮屠 苦求免 非 徳 指 靱生 芡 明鬼 得道不免謂之悟道可乎悟 與吕 則 游 Ŀ 推 取 可謂 魂為變為輪回未之思也大學當先 知 聖人 微 謂 知畫夜陰陽道體之不二自其說熾傳中國 拾可為知天乎 一件書 有識之死受生循 知乎以人生為妄見可謂 知鬼神今浮屠極 卷百十九 孔孟 所 環亦出莊 綸 謂天彼 則 有命有義均死生 要 歸必謂生死 知人乎天人 所 說之流遂 知天德 謂道者惑 載 厭 知

其弊自古溫故邪遁之詞翕然並與一 英才間氣生則 言遂真然被驅 不必事其文此人 知故未識聖人心已 儒者未容規聖學門牆已為引取淪胥其間指為大道 其俗達之天下致善惡 所以亂異言滿耳上無禮以防其偽下無學以稽 因謂聖人可不修而至大道可不學 狷 耳目恬習之事長則 倫 所 謂 以不察庭物 不必事其迹未見君子志已謂 知 愚男女臧獲人人著信使 所以不 出於佛氏之門 師 世儒崇尚之 明 治所

钦

定四

庫

全書

宋文鑑

釆 者千五百年向非獨立不懼精一自信有大過之才 定者動亦定静亦定無將迎無內外苟以外 教諭以定性未能不動猶累於外物此賢者慮之 正立其間與之較是非計得失來簡見發狂言當為 何俟小子之言然皆思之矣敢貢其說於左右 所 横渠張子厚先生書 恨 不 如 佛氏之著明也更冀開諭傾 卷一百 ナカ 程 俟 顏

已而從之是以已性為有內外也且以性為隨物

道 其端無窮不可得 知性之無內外也既以內外為二本則又爲可遽語定 足日事 公告 大率患在於自私而用智自私則 誘之除將見滅於東而生於西也 順應易曰貞吉悔亡憧憧 夫天地之常以其心普萬物而無心聖人之常以 順萬事而無情故君子之學莫若擴然而大公物來 而 宋之點 除也人之情各有所蔽 住來朋 不能以有為為應 非 從 惟日之不 爾思苟規規 故不能 顀

則當其在外時何者為在內是有意於絕外誘而

也 其身 無事 八之喜以物之當喜聖人之怒 求照無物之地是 不繫於心而繫於物也是則聖人豈不應於 矣無事則定定則 行其庭不見其人孟氏亦曰 以從外者為非而更求在內者為是也今以自 非 用 外 智則不能以明覺為自然今以惡外物之心 而是内 不若內外之兩忘也兩忘則澄然 反鑑而索照也易曰艮其背不獲 明 明 則尚 以物之當怒是聖人 所惡於智者為其鑿 何應物之為累哉

卷一百十九

Ċ 心之精微口不能宣加之素批於文解又吏事忽忽未 易發而難制者惟怒為甚第能於怒時遠忘其怒而觀 唇示奏葉足以見仁人君子爱民之心深切如此欽 能 理之是非亦可見外誘之不足惡而於道亦思過半矣 人所非惟聰明裁之 用智之喜怒而視聖人喜怒之正為何如哉夫人之情 足可華全書 精應當否酬 答人示奏草書 報然舉大要亦當近之矣道近求遠古 宋文鑑 程 順

世 民為先力言百姓饑且死丐朝廷哀憐因懼将為冠亂 安者敢布左右觀公之意專以畏亂為主順欲公以愛 可也不惟告君之體當如是事勢亦宜爾公方求財以 首私利於目前以兵制民以財聚衆聚財者能守保 人祈之以仁愛則當輕財而重民懼之以利害則将 服子弟當勉公以速且堅何可已也然於愚意有未 ţ 以自保古之時得兵民則得天下財散則人聚後 卷一百十九

者為這秦漢而下莫不然也竊慮廟堂諸賢未能免

忘乎善也苟不如是誠懼沒而無聞馬此為學之未宜 奉書以足下心虚氣損奉勸勿多作詩文而見答之辭 乃曰為學上能探古先之陳迹綜奉言之是非欲其心 相去之遠未知何日復為會合人事固難前期也中前 惟公裁之 3 而黙識之固未能也又曰使後人見之猶度幾曰不 惟當以誠意感動覲其有不忍之心而已淺見無取 答朱長文書 not be dute 宋文繼 順

此 之言不得已也益有是言則是理明無是言則天下之 兄之見責也使吾日聞夫子之道而忘乎此豈不善哉 足矣聖賢之言雖欲已得乎然其包涵盡天下之理 疑未得為至當之言也順於朋友問其問不切者未 闕馬如彼未耜陶冶之器一不制則生人之道有 論而為吾弟盡其說廣幾有小補也向之云無多 語也以足下處疾罕與人接渴聞議論之益故因 與詩者非止為傷心氣也直以不當輕作爾聖賢

灾

卷一百十九

於定四事全書 宋文鑑 言也不止贅而已既不得其要則離真失正反害於道 多於聖人然有之無所補無之亦無所闕乃無用之贅 獨高李杜二子之詩存者千篇皆吾弟所見也可考而 必矣詩之盛莫如唐唐人善論文莫如韓愈愈之所稱 亦甚約也後之人始執卷則以文章為先平生所為動 知矣苟足下所作皆合於道足以輔異聖人為教於後 聖賢事業何得為學之末乎順何敢以此奉責又言 使後人見其不忘乎善人能為合道之文者知道者

無名也名者可以属中人君子所存非所汲汲又云上 使後 後見也學者當以道為本心不通於道而較古人之 也夫心通乎道然後能辨是非如持權衙 探古先之陳迹綜奉言之是非欲其心通點識固未 在知道者所以為文之心乃非區區懼其無聞于 疾没世而名不 人見其不忘乎善而已此乃世人之私心也夫 謂 知言是也揆之以道則是 稱馬疾沒身無善可 非了然不待精 稱云爾 以 謂 輕重 思

卷一百十九

AND THE PROPERTY OF THE PARTY O

惡夫涕之無從而不脫緣而界亦茍也希於其氏之垫 希白嘗聞君子無苟於人患其非情也昔孔子猶曰吾 r 却 己日年 非 非其故不得與執 四 復 亦古人所 猶不持權衙而酌輕重過其目力勞其心智雖始 情示不足以代面 字 謝人求哀辭書 思 As Also 故言無次序 謂 億則屢中 綿之後使為之解其将 宋之鑑 話 畋 F 有 君子不貴也臨紙速書 字醉過煩矣理或未 林 何情以 希

宗周之制 哀之無從小人 Ŀ 林秀州書 士見於大夫卿 所 不敢為者何足以辱命 卷一百十九 公介以厚其别詞以正其 矣謂之禮成士之 陳 師道 名

為之前馬所以别 如女之從 効其情儀 人 有 い 致其敬四者 嫌而慎微 願見之心 也 而)故曰介 備 無自行之義必有紹 以厚其别名

見

分定則民

不犯

犯故曰詞

レソ

正其名言不足以盡意名

以導名名者先王所

以定名分也名正則

詞

以

之中也故曰儀以致其敬益以貴不陵賤下不援上謹 以三獻三揖而升三拜而出禮煩則泰簡則野三者禮 其守分順于時命志不屈而身不辱以成其善當是之 祭主於盟婚主於迎賓主於對故曰對以効其情誠 豈特士之自賢益亦有禮為之節也夫周之制禮其 於心而諭于身達於容色故又有儀馬詞以三請贄 以將命動亦至矣然因人而後達也禮莫重於自盡 可以過情又為之贄以成其終故授受馬介以通名 Je dan 1877 宋文鑑 古

所為防至矣及其晚世禮存而俗變猶自市而失身况 也先生謂師道曰子見林秀州平曰未也先生曰行 師道承命以來謹因先生而請馬詩文二卷敬以自 不自知也師道鄙人也然有聞於南豐先生不敢不 禮之亡平自周之禮亡士知免者寡矣世無君子明 以正之既相循以為常而史官又載其事故其弊習 不敢以為能也謹僂待命惟閣下賜之 與秦少游書 各百十九 陳師道

定匹庫全書

身幸孰大馬愚雖不足以齒士猶當從侯之後順下風 侯嘗欺之邪公卿不下士尚矣乃特見於今而親 唇書喻以章公降屈年徳以禮見招不佞何以得此豈 公夫相見所以成禮而其弊必至於自鬻故先生謹其 以成公之名然先王之制士不傳贄為臣則不見於王 能守區區之禮乎若昧冒法義聞命走門則失其所 後無平生之舊公雖可見禮可去平且公之見招豈 以為之防而為士者世分馬師道於公前有貴賤之

之

巴田野公林

宋文鑑

士五

天下之事 事幅中東歸師道當御欽段乘下澤侯公於上東門 憂之大者言之其亦可乎西邊用兵五六年矣遠 見招公又何取馬雖然有 去門屏十年有餘平常不為問非怠與外以謂無 尚未晚也奉奉之懷願因疾以聞 不為爾事有可言而復隱忍然後為舉則亦不敢去 曾 樞密書 非問下所得與則 非 於此幸公之他日成功 師道所當言其在右 馬 陳 師道 府

芡

区压

1 77

光一百十九

思 餒 者 勞 卒過期不還人情 ? 歸 過 苦之害後 以既動之心而 分定故也鳥窮 而潰而逆擊之則曲直有在竊恐潰者未至發者 į 一條內軍 違 倡之和者必衆東 A dia 順 直之在勝 有 以擊之無故與師積年不 鄉邑親愛之念不亦危乎然莫敢達 前 則 及期則有歸心况又過之而後未 宋文鑑 攫 有死傷之虞內 之 所 、獸比則搏, 向 而潰 出 何 則 何 此 レソ 有羈 禦 雖常言理有必 所 解 之夫事有 順 死傷之 旅暴露凍 也 十六 曲

萬 也古之守國本末並用故建德而阻 澤之阻為四戰之地故太 世方平寧兵不足虞人無姦 人今軍衛多西戊山東城郭一空卒有盗賊乘間 有 誰乎若其未有可不計此 用也於是之時在廷之人肯為天下國家以身捍 姦 縣殺吏民私貨財 雄出馬其成敗 孰 掠 袓 得 婦 以兵為衛畿內常用十四 雄 居之憂之次也談者 師道常所私憂竊歎者 女火室廬乃其小者 有不足畏師道不更 險開封無丘山、 而

灾匹厚全書

卷百十九

賊 至 也可謂平世而無之乎照寧中士才再發已自清亂 出 不出遂以為無則過矣師道聞之景徳盛平之間 **肯之亂皆有姦雄** 兩州之亂慶之潰皆卒也王倫張海廖恩王冲皆盗 引筆墨所載宜以慶歷以來耳目所及者明之爾恩 衛軍用邊將而官軍所至甚於盗賊民至今謹 海行半天下所至潰壞守令或走或降莫敢支捂 師 道在泰中開 非為時而生乃亂而後見平世 亂兵所過奉小迎導助其劫掠

2

į

A dis W

宋文鑑

ナセ

山夜渴乏既旦視溪谷有水雪少年不食之且取 쉷 一歲入地将騎至山東齊有外鎮日莫塵起人避走 定匹 厚生き

起爭之有賣者出止其衆而坐之率少年十餘輩而

ŭt.

何異而謂平世無之乎雖

然軍消盗起

所可應者分也上之於下可生可殺可予可奪

從者夜

則警杆旦暮向山中三日而

復家不失

千人斬木為兵出屯鎮中乃盡問其外戶日以酒

福給坐者且曰饑

則奈何

孰從吾而

取食於是願者

守故善戰者論將 也 無達者分也定則無所敢為亂則無所不為如水之防 者其大舉爾然地方數千里外 如新之東如獸之牢檻其可失乎 則常也尚何言往者延安兵非不多冠來不禦而僅 覆不可收損不可完物之理也此師道之所深憂者 談者必謂還戌則備闕冠來莫禦帥不任其責師 謂其不然也戌有常數今以拓土而增之爾去其增 į). A.S. (不 論兵也夏人之來小則其常所慮 宋之鑑 假險阻非可一日具也 一失則不復斷不可 自

為 師 而 쉾 清 餽 大靈武之舉 之 定 7千里謀 匹庫全書 湯 其 備 而 則 卒臣者 野内聚則冠不敢 沮 往事不過數日而我善守冠至 兩 何 退 城 憚其來且應 無 而 以時月則孰 已國 以數果 所 緧 掠 不能再况於夷乎雖然築不已則 雖 則 卷百十九 而 大 困 短 困也况 於 深 不 而 いく 外清 攻而 知之 貧兵 元昊之彊 師 不能久人自持 其 則 雖 者 Z 深 弱乎且以中國 数大 勿戦聚兵於内 明其耳目而 而 而 散 不 害 ルス 使進 元昊 糧 破 塞 後 預

貴 國 《今之可不 矣 而爭 人盈 可 慟 既數歲 得徒為將 哭 人情得所欲肯苦出力 野 開 則 否但聞 何 炒 西城發兵事之故 矣横山安在 非 肵 用之 其 帥 所 諸 取富贵之資爾橫山天險也下臨平 岩 急也茍不能 路 謂且 競 耶 進 一築且進 蹈 謂 若復數歲則諸將窮富 日夜奏功 制勝則漢 其 斷 其 所 制 漸 其 難 右 乎 分則 臂 據横山然後 而 取陰山敵人近 夫 則是 師 老師費 闡 道居東莫 横山 西 可

能盍先已之乎若謂

可以

广

き日車

幺

書

宋文鑑

九

夏 三舍而近今延安奏功廣地四百里 存亡所係虜必舉國爭之恐亦未易得也若謂今之 即 横山也 则 師道聞之宥州 卷一百十九 在 横山之上南拒 則宥在其腹然

如

内

郡

他才可種為豆且多磧沙五月見青七月而霜

則四百里之廣豈可信哉邊地惟靈夏

收

爾銀

州草

惟柴胡蕭關之外有落黎與醎

云得宥州也

此

募軍二者孰取馬若取乎內則空此以實彼

舍易

知其不宜五種也使人可種安得人實之若

不

敵 恐有乘危篡奪以為姦 レン 抗中國 即 則其之憂有甚於前也分敵內弱 兆 而 謂敬 艱 錯 相及河東之患麟 不爭者非不敢乃 į 何益且關土益廣則去府益遠平常緩請急 其力以有待則 ٠ 其 既弱矣不 4.15 地 與 民固 復能 宋之鑑 自若也而 雄 無 府世所知也若令所據 不能爾彼 抗 其人 之 中國宜稍存立 資是復生一元昊也故 不則諸 今及不 雖蕞爾然元昊用之 外 部 叛而皇 能爭其 木 一使假威 為用也若 主 師臨 可以 所 之 急 制

2

憂乎今三邊不戰士皆怯弱獨秦晉數與之角猶可用 道 臨 諸道盡據横山而俾無姦雄乘時而起一切意如師 智高是也竊謂西人不可無也伏惟閣下股肱帝 卒以取勝若又不戰卒有外患何以樂之昔歲之元 故西人易東軍如兒女子而南于蠻西南事先皆用 釋楚以為外懼乎夷狄之弱未有甚於今日者可不 之憂則又甚矣趙文子曰苟非聖人孰能內外無患 制 部旅歷服姦豪使不得發奈何欲為之資乎今


埞

匹库全書

書不盡言言不盡意而况山河之外翰墨之間乎然以 去益銳者不須時緩者不及時時乎其可不知乎易曰 **誾下英姿偉識則區區之愚不待言而了伏惟屬意馬** 此而各有失安失之銳李失之緩故未及成功而以毀 豈未可以言乎言之今其時也皆安李兩公皆有意於 師表萬邦直道正詞天下稱誦日有傳馬而獨此無聞 足可華公書 宋文鑑

欴

主



其樂及相別亦未為難至其離居窮獨默點自守然後知 欽定四庫全書管要卷二萬四十三集部 相 散從還唇書伏分經暑起居萬福師道奉親如昨惟方 ع 9 從之樂相别之難也士方少時未來之日長視天下 比賴復爾達閱不能不動念耳葢士方相從時**莫知** 書 宋文鑑卷一百二十 上蘇公書 Ē 2 dula | 宋文點 宋 吕祖謙 陳師道 編

此 俗 此葢志與年衰顧影惜日畏死而然耳謝太傅常謂中 事意頗輕之亦易為別至其晚莫數更離合又以為難 當以老為成以富貴為畏耳承諭人 公長於知君子短於知小人由今觀之豈特所短正 乃其常耳顧以别為難者豈溺於富貴而習於遠 由是觀之以别為難皆非士之正也士亦安能 知人固未易未易之中又有甚難范文正謂 與親友别數日作惡謝公江海之士遠世 須久而後知誠

灾匹

月至言

卷一百二十

之乎 同則奪之以自利勢去則背之以違害使之且難 腹也夫君子無棄人巧智之士亦 也耳目且不可况腹心乎益勢在則欺之以為功 心故王氏之得禍大也聞 日余有亂臣十人同 反置之耳古之所謂腹心之臣者以其同德也故武 衛身也天下之事又豈巧者之所能乎士終始不 無徳而智以智管身而不及事智之所後不得 心同徳而 祖許咸作使矣未聞託之 荆公以巧智之士為 非可棄以為手足 况 同

欽

定四庫全書一人

何 相 当 問下前為 去位而言則又不可其言之者義也其不言者亦義 廢不害為生膏肓之潰馬之可也常竊悲之故謂 近見趙承議說得閣下書欲復伸理前所舉刺文廣 負 能 聞之未以為然竊謂問下必不出此而愚慮所及 如范公用士當以王公為成也不審問下以為 忍者君子之於事以位為限居位而不言則 由義則畏義耳勢在而不負豈真不負耶求疾 顏州言之可也今為楊守而與顏事其亦 卷一百二十 如 知

公言而私請之又不如已也天下之事行之不中理使 大夫類皆如此以為成言而非問下之所當為也茍不 甚覆溺之憂前日王荆公司馬温公是也夫言之以行 可乎豈以皆當言之而不置耶此取勝之道也近歲士 如人意耶徒使吃吃者以為多事耳管謂云大夫視天 下不平之事不當懷不平之意平居憤憤切齒扼腕誠 為已一旦當事而發之如決江河其可禦耶必有過 不平者豈此一事問下豈能盡爭之耶爭之豈能盡 宋之鑑

欽 義耳豈如馮婦攘臂下車取衆人之一快耶竊謂閣下 者寧不畏哉仍聞吾子方壯齒也苟有是心由是道雖 文采燦然是可喜其趣尚孑然是可畏大凡人見悅 近吕主簿過訪蒙示長函大編副以手書發而詳讀其 慎不勝區區 娱心之物固所喜及見其志趣特立不與流俗汎汎然 定四庫全書 不出此而寧一陳之以効其愚耳秋益高惟為朝重 與石司理書 卷百二十 張舜民 国

勞心至于今日晚得賢之書参味先生長者之論乃 當少壯之時當為世俗之學矣亦為世俗之事矣苦形 大夫於關陜問今又見故人之有子少年自立則其喜 不賤之匪特人之為賤亦當以自賤也益固不足多暁 又可知也然刺其禮有如事貴味其言有如問能兹二 使孔子見之必曰可畏况今入乎又念往昔當及見先 惟是問能求益渠敢遽然聞命已來勿知攸濟當思之 切有疑馬設以我為貴乎兹緣矣如我之所居人莫

宋之鑑

前日之用心者非也思欲改轍別心變姓名入江海則 **苟吕君覆將及門何以報之方日用順獲反覆于心無** 白罵繼之以涕淚悲泣而何及哉又念無言不讐之訓 齒脫髮禿形骸若是朝暮之人也用是自悼自咎自笑 欽 可奈何尚有一話可以為下執獻者又皆蜀人之事皆 定四庫全書 一 為童子居鄉間從學者是時眉山任師中在幕府當

、政事前輩登朝廷歷郡國有聞於人者為不少也求

師中講道事業乃云吾蜀大人自往已來多藝文而

之吏事唯何聖從陳公弼二人而已小子不才敢出其 歐陽公多談吏事既久之不免有請大凡學者之見先 為學者所共趣之每聽諸公之論於行義文史為多惟 所未喻也公曰不然吾子皆時才異日臨事當自知之 生莫不以道徳文章為欲聞者今先生多教人以吏事 抵文學止於潤身政事可以及物吾肯貶官夷陵彼 求謁先達之門是時文忠歐陽公司馬温公王荆公 雖當時聞之師中且不知為何語也既年漸長遊京

2

ځ

ا مليه

宋文鑑

今四紀未嘗一日去心是時蘇 灾 致身以我自觀亮是當時一言之報 入中 以遣日因取 可 境也方壯年未厭學欲求史漢一 不 厚 有且以夷陵荒遠編小尚 勝 外吞塵三事以 天誓心曰自爾遇事不敢 數 レン 架閣 無為 陳年公案反覆觀之見其枉直乖 有以枉為直違法 卷百二十 此 自 將 今日以人望我必為 明允先生父子問 忽也迨今三十 如此天下固可 也自 觀 狗情滅親害義 公私 7得是語 無有也 餘 知 亦

有 負 馬當 者也兹事乃其緒 之 而已少 先後得之有淺深亦繁其根性利鈍唯兹政能 事書其碑陰今又敢為下執 之 乃 難也吾子少年有立何 語爾近歲舜民商居夷陵得陳公弼修城記當 日我從歐陽公陳公弼處學來然師中子瞻 聞 此語其後子瞻與人簿說亦必自任吏能或問 加意則可以得之孔子曰居之無 餘 阚 偶 因執筆不覺三隔幸亡以着 所 不 獻夫君子學道也聞之 致 肵 謂先立乎其大 倦 非 岩道 在 亦 勉 白

欽

定四庫全書

· 宋之鑑

可豈 子 陋為忽非唯左右之為獻魚告之蘇在廷若兩蜀士君 諸 西 之竊以安國 日唇諭以欲敦遣王安國 其應舉 有可以應舉 舉皆以墳墓為 張江東論事書 則在 雖 淮南 -而不可 江 西人 及 據使安國若江東應舉無有 開 而 以敦遣哉别 村府今級 而 其父乃雄江東今之應進 有 所 不可者試為問 使江西舉之亦 安國未管身居 吳孝宗

同 取 敢 人之好賢死生 誦 笑此又失之矣夫自皆稱賢如孟首楊韓之屬前 過 誦 與 死矣與人同 也然未當見閣下以 之矣而今人又從而 謂近人多舉安國今更 按虚籍耳非安國身居江西其在江西應舉也 人同舉 則是 如 誦 閣下勇 而 一今誦 不 跪隨取 疑及方今生在之賢則疑 誦 之雖 死則勇而舉 從而舉之則為 誦 笑為 死賢而怯 問下亦曉 疑馬昔之賢 生 於舉 夜與今 則 詭隨且必 怯 賢 而

欽

定

四

庫

全書一人

宋文鑑

者喜則不賢者笑又理適然也古之人見一善則爭 也夫舉賢則賢者盡喜既盡喜矣尚安有笑則笑者必 其會有人舉也抑不知問下謂安國果賢耶果不賢耶 凡謂賢者特利於死後而不利於生在時也特可俟其 不賢則問下自不當議之如以為賢問下之舉是舉賢 後論之以為美談而不可及其生在時舉之以為實 不賢也苟得賢者喜矣尚何暇慮不賢者笑哉况賢 也此何謂哉為閣下計者問安國賢不賢爾不當問

欽 為之惟 何 定吗 安 之而丙叉從 而見用也今則 い 詭隨 見 國之 後 必先慮不 車 信 始 恐在後未聞有慮取笑而止者如使善人 幺 書 名其著者久 而見用也必也甲 取笑為疑 知也然則 而唱馬併力舉之然後展乎其人 野笑則 不 从 哉 益前 然甲 安國之賢不於自近 宋之鑑 非 僕 既唱而乙與 是近人未舉 恐善人有見善而不為者矣 既唱之し 世舉賢未必出 從 丙曰吾恐 時天下不知 而和馬乙巴 人而 閣下 始 見 又 及

其風俗使然治得其情雖至惡可使遷善雖至薄可使 問下之愛孝宗亦可謂深矣償事有秋毫於不義而固 不悟乎廟堂之上矣惟問下裁之孝宗之於安國相愛 觀天下無可責之民或惡或善或邪或正或厚或薄 問下使為之則孝宗之罪何誅惟明察馬 厚陽下所知也而孝宗不以私黨自頗者猶前志也 取笑則賢者老死于嚴完之中而人主宰相有不開 上張虞部書 豐 稷

其策於天下又遇問下能究極民與之淺深謹先託書 如吾張公也聞問下之名想問下之風恨莫之見不 人少不加意為損不細竊求其端而當慕善治民者 父士民論議縣大夫更歷多矣能究民情恤民隱無 師仰之而又稱誦之恨不得親見之向守官於亳則 傷悼痛者莫如農力耕而食不足蠶而衣不足凡上 厚治失其道則反是乃以民辭吁何辜邪近世尤可 獲為屬吏今既遇嗣皇下憫農之詔深切丁寧 圖

K

2

D ...

朱文鑑

蒲元禮來唇書勤懇干萬知在官雖勞勒無日不勤翰 以導志如閤下賜 與王觀復書 席得論其大方亦可以盡心馬 黄庭堅

5 匹

4 1

墨何慰如之即日初夏便有暑氣不審起居何如所送 詩皆與寄高遠但語生硬不指律日或詞氣不逮初造

意時此病亦只是讀書未精博耳長袖善舞多錢善賣 實而難工此語亦是沈謝準為儒林宗主時好作奇 語也南陽劉總當論文章之難云意聽空而易奇文

知後世作文章不及古人之病如觀日月也文章益 合矣往年當請問東坡先生作文章之法東坡云但熟 後詩韓退之自潮州還朝後文章皆不煩絕削而自 伯玉韓退之李習之近世歐陽永叔王介甫蘇子瞻 安以來好作奇語故其氣象茶然其病至今猶在 故後生立論如此好作奇語自是文章病但當以理 理得而解順文章自然出羣拔萃觀杜子美到夔 記櫃弓當得之既 而 取檀弓二篇讀數百過然後 自

灾

足可事公書

宋文盤

略之 秦少游乃無此病耳公所論杜子美詩亦未極其趣 行草草具此世俗寒温禮數非公所望於不肖者故皆 謂 更深思之若入蜀下峽年月則詩中自可見其曰九鑚 巴巽火三蟄楚祠雷則往來兩川九年在變府三年 也恐更須改定乃可入石適多病少安之餘價客妄 不肖有東歸之期日日到門疲於應接浦元禮來告 答李推官書 張

已有所到也未不才少時喜為文詞與人游又喜論文 世之學者比來稍 E 9 來多事久廢讀書昨送簡人還忽辱惠及所作病暑 謬為恭敬若請教者乎欲持納而貪於愛玩勢不 位姓名如果賤之見尊貴此何為者豈妄以未為知 與未平居飲酒笑語忘去屑屑而忽持大軸細書題 及雜詩等諷詠愛玩既有以起其竭涸之思而又喜 謂之嗜好則可矣謂能文則世自有人決不在我 1 稍追求古人之文章述作體製往 宋文盌

• 匏之歌 盆工因其言工而理 抑未之所聞 左 能言者多矣而文者獨傳豈獨傳哉因其能文也 雖但然不以自寧而既唇動厚亦不敢隱其所 右也足下之文可謂奇矣捐去文字常體力為療 以奇為主也夫文何為而設也知理者不能言世 Ē 務欲使人讀之如見數干歲前科斗鳥跡所記 鍾鼎之文也足下之所嗜者如此固無不善 所謂能文者豈謂其能奇哉能文者固 益明是以聖人貴之自六經

謮 可 為 問字 愜 隙 2 文者 也是 間 何 如 况使 破 百 竹 出 無 故理勝者 人 横 所 此 雄 復 玩味之乎 水 斜 猶 如 道 反覆 騒人 於 列 两 文 五味 如 持 知文 辨士論述大抵皆將以為寓 自中 不 故學文之端 而 期 牒 不能 節 工而 而 而 不 訟直者操筆不待累累 目曲 調 務 工 理 者 理求文之工世 和食之於口 急於 愢 雖 者巧為粉 使 明 假 理夫 詞 於

至于

諸子百氏

欴

定四

車全書一个

宋文恐

河

淮海也水

順道而行

滔滔

汩

ナ

有是也夫決

之文莫奇於易莫簡於春秋夫豈以奇與簡為務哉勢 之奇此無見於理而欲以言語句讀為奇之文也六經 之因其所遇而變生馬溝瀆東決而西竭下滿而上虚 海 Ð 噴薄出没是水之奇變也而水初豈如此哉順道而決 夜 之水理達之文也不求奇而奇至矣激溝濱而求水 ·淪連皷為濤波激之為風 怒之為雷霆蛟龍魚鼀 日夜不止衝砥柱絕呂梁放於江湖而納之海其舒 激之欲見其竒彼其所至者蛙蛭之玩耳江河淮

者而說之或得其字不得其句或得其句不知其章反覆 或為缺句斷章使脉理不屬又取古書訓詁希於見聞 言質俚而不省也 其意靡靡似主於奇矣故預為足下陳之願無以僕之 繁而不可得也自唐以來至今文人好奇者不一甚者 自然耳傳曰古人之辭寡彼豈惡繁而好寡哉雖欲為 咀嚼卒亦無有此最文之陋也足下之文雖不若此然 與陳瑩中書 宋之監 陳師錫

事自未通轍耳敢以所聞奉凂價以為然當有裨助所 益公之言未能信於人也未 具悉公之忠義尊主之心天日可鑒然其言數與語者 謂尊私史而歷宗廟者公特謂自丞 至辱手書伏聞謫官東去裕如也繼衛守急足回又得 欽 所惠答喜聆起居冲勝甚以為慰蒙示日録論及二 定四庫全書 别 日録以為國史之證也公知其為私史耳而不知 累月不敢作書為問而傾鄉之心食頃不忘李君 卷百二 信於 人者以公之心於 相為人所賣不當

THE REPORT OF THE PARTY OF THE

奮不顧身挺然明此一大事豈特怯懦之人仰嘆不已 禁致遠言荆公晚年自悔作此書臨終命門人焚之下 而宗廟之靈聖考在天之憤實有在於吾友也然吾友 其為武謗之書也公精考之當盡識其武謗者告當見 於因事記言為異日自便之計有知識者孰不欲辨 為誣偽之書也公熟閱之當盡見其誣偽之書也不知 以人微言薄不足以勝朋姦之凶焰故隱忍耳吾友 他書以給公公殆下遂縱横撰造您逞私意甚者至

末文磁

主夫天尊地早不可易也明此南面堯之為君明此北 道之言曰道隆德駁雖天子北面而問馬與之选為實 校時應舉項官析字談經務求合於有司不得不從其 鉱 定四庫全書 1 安石聖人也與伊尹同伴此何言之過也吾輩在學 而不用正君臣定名分春秋之法也安石治平中唱 作也先儒斷天下之事決天下之疑者春秋也安石 至於立朝行已則是是非非為可私也春秋孔子之

面舜之為臣自古未有君而北面者安石以性命道

掃蕩我祖宗之憲之訓遠取三代渺茫不可稽考之事 過九年逮元豐之親政安石屏棄金陵凡十載終身不 為說乃謂君可北面與臣选賓主耶吾友謂安石神考 訓商之時傳說之訓高宗亦曰監于先生成憲其永無 力行之者夏之時五子作歌則述大禹之成曰皇祖有 祖宗之成憲明訓後世子孫妄為更張鮮不召亂豈有 師也此何言之失也神考於熈寧問兩相安石首尾不 召用而亦何當師之有自古有天下之君未當不守

灾足习事私害

宋文鑑

十五

愈久而愈通法則久而必與因其與而草之雖與不窮 您周之時成王命蔡仲則日率乃祖文王之奏訓是三 華故之臣茍得忠厚之人則祖宗之法尚可刻弊革故 代之君亦各述其祖宗訓戒如此安石乃盡取變亂之 祖宗之法行之幾百年累朝聖君賢臣不敢輕議道則 仁皇之末適當因革之時而神考初政有為必有刻弊 可乎吾友又日安石有刻弊革故之功此何言之陋也 親無窮不幸遇安石力掃痛荡一切顛倒之當是之

愚恐更一二十年事躬力殫弊盡百出土崩瓦解之勢 時 罰以變天下之法横目之民但超賞避罰安知長久之 利害于今五七十年成敗可見風俗之醇醨於祖宗時 殆盡遺民父老在者幾希而上之人方且紹之述之 何亷 士知其非民不從令安石乃以商鞅必行之心立當 何民力之貧富於祖宗時如何今則元臣耆舊彫 恥之廢立於祖宗時如何人才之美惡於祖宗

見見

而祖宗之舊制上下罔知雖欲紹復不可得也孤忠

足习事会告

宋文鑑

考日録根本識其真偽乃可正此事矣至懇至懇吾友 吾友又謂安石有講解經義之能有作成人才之功此 釋氏表而出之後學不考其本因受其欺耳吾友所論 說實生於不足解經與義皆原於鄭康成乳類達旁取 何言之蔽也安石之學本出於刑名度數性命道德之 欠 則善矣而未盡也軟以此说聞此事匪易辯更頂熟 以痛心疾首者此耳若謂剝弊革故之功非敢聞也 Įį. 卷百二十

方遷謫然居善地不足憂惱師錫緣編排舊疏早晚必

靖其職事當不素食位無小大必行其志期於無魏而 加多故因循不得為報皇恐皇恐師文到官亦已暮年 向唇書勤甚屬差考試山陽往反彌日到家未弛擔小 附此書幸為祕之勿重其罪也 有行遣洪無輕恕之理相見無期萬萬自愛李君遣人 已世之士大夫在下則果小官曰此不足為也皆偃然 兒不幸親黨亦有哭泣忽忽無好懷受代不遠俗事日 答李景夏書 鮑欽止

A. 日華在本

宋文鑑

ナセ

乎夫富貴在彼不可期終身小官亦終身不事事矣然 怠然欽止為之将三年也益如是而後安夫村力不任 翰墨職也米鹽且敗公意或相試毀曰是銳始者久必 至之日與之立科條坐曹不少休或相勞苦曰公儒者 自高不事事慕晋人恐不及至登用於上亦果肯有為 食人之禄獨無處耶録事於軍實郡紀網於事當無 皆不急然筦庫犴獄率兼領之尚號為煩碎欽止始 統今任用重輕與古殊絕文書行吏或有以相關者

譽皆過其實謹避席不敢當置規皆中其病謹再拜受 今乃局促於委吏之末日與市井小人商榷銖兩惟恐 益大任責益重义将胃馬又将茍且馬一身或免矣如 其事胃馬以居材力足任矣苟且以自便小官可也官 贏餘以登有司之課誠若有可厭顧官以是為職欽 朋友道絕久矣今為尤甚平居接盃酒出肺肝非專 私憂執事之怠也是以有前所陳願少察之昨書推 何此時俗習以為常而古人所大懼師文磊落遠器

飲

定四庫全書一人

宋文鑑

為之未嘗鰓鰓馬致疑於其人葢先之以库序之教者 古之為天下者至簡易也舉天下而付之百執事使分 此章以為左右之報冬候凛凛未見伏惟進學白爱 止非其人也乃幸辱馬詩日中心藏之何日忘之敬誦 威寒之後善以相稱不善以相戒此前修之高風而欽 臨危機真情乃見若夫相期於寂寞之濱見賞於 謝祭酒司業書 周行已

道義之交皆勢利之求也陽為道義陰為勢利尚多此

是矣大開禄利之路以 悌之義使人人皆知仁義之行而無犯上作亂之心 竊且亂也能使人不 委之以府庫而不疑其竊與之以封疆而不疑其叛 之間上下一道而莫之覺也是以天下之人生則 耳目恬習之事長則師世俗崇尚之言以仁義為适 之以社稷而不疑其亂非謂其法制足以使人 使天下之人皆摇奪其忠實之良心而顛沛於 為竊且亂也後世之為教者異 誘之於前而嚴其法禁以驅

大文監

豆羹之不忍此其為害至小也然而君子之所以惡之 子之所以與之者謂其已有舜之心矣尋常之人單 他義與利之間而已夫天下之人莫不為義也固未必 人人皆至於舜莫不為利也固未必人人皆至於跖而 下之惡者莫不歸之於跖而孟子以為舜與跖之分無 匹夫單行一不受嗟來之食此其為義至小也然而君 莫之覺也肯之舉天下之善者莫不歸之於舜舉天 不切之務而其心於得喪竈辱以為實有嗚呼胡為

欽

定四庫全書一八

卷一百二十

其身以有仁義之實也行已生而守父兄之訓長而聞 為其有善教以養天下仁義之心而君子之所以自重 者謂其已有跖之心矣是故聖人之所恃以為天下者

不使斯須有不惧於心之餒謂古之善克擴仁義之心 先生長者之言皆以為如此是以平居不忍一日優馬 躬取利於君子之所賤葢當三省於視聽言動之間

者其要在此比者國家欲得天下可用之才而舉天下

士各付之有司使觀其仁義之言以求其仁義之實 1. 4.5

才者太學也為國家得天下仁義之士者有司也然則 行已亦有有心矣故因近世舉子之常禮而得以區區 有司所以取士之意甚美也夫為國家養天下仁義之 舉法度而特取其心之所存者如行已者抑何足道而 等夷板於數千百人之中不責其記誦既略不絕以科 而或者因其言以得其心謂其學之不苟也題越去 行已當以其所知者寓之於無能之解以應有司之 四月在書

有萬世之相其術出乎一時者雖工必批輕安必危禍 之者繫乎相故當考古今之迹而論之日有一時之相 詠之不肖獨喜妄論天下事以謂治亂存乎時所以致 福愈久而愈傳周召衛畢身致天下多者輔四世益數 詠之聞禍福成敗非獨天命實人為有以致之古人 勝諱其術出乎萬世者當年享其利國與家皆蒙其 人之精微窺機變之源本者益及乎此矣不可不察 上丞相魯子宣書 晁詠之

次至日華 至書

宋之鑑

Ĭ

當晉之東輔中才而建危國外又有王敦之以其析是 身無旦暮之安其唇至今亦不已蕭曹魏丙與其他名 當其盛時天下有識者已知其必敗勢處廊廟之嚴而 十年其子孫亦數十世其賢至今不已商鞅李斯相秦 也遭時處變而不遷其後世之盛實終江左裴度之相 自憲宗歷世多故其賢不傷李德裕相 非必有往者聖智之姿其術是也卒享安祭王尊 一武宗可謂盛

矣而禍不旋踵使裴度不死及相會昌其功烈可致而

下之士使尊宣德澤遠于遠邇天下歌之屈仰其惠故 思其所以害於後快於我顧其將以復於人屈折於天 大家近時以來事多反此亦其操術然也周召衛軍下 此二公者其事甚簡其身至逸其享富貴最久至今為 問益多事矣而禍不及王文正輔政十八年而寵不替 貶逐之如此禍何可免本朝日文靖三相而身愈安其 及文靖其街出乎萬世故祇恪謹審戒乎妄發利於今

足习事公务二


宋文鑑


禍敗亦不及魏養李世賢者也徳裕以養楊李所薦亟


勝 á 其智能 福商鞅李斯德 下仰其徳而家其利知執事之於國忠也士大夫失 天下惡聲必出於已故寵極勢彈時遷事變則禍 碩 謗毀而寵不替遭時變而身不危其子孫亦有無窮 然則 將 往者執事在樞府輔佐造膝之言廟堂論爭之 以復於人抑天下士顯 禍福成敗果有以致之 倚其勢利利於今不思 裕非不才且賢也其術出乎一時 を一百二十 與之為仇無近民之政 挑 所以害於後快於 獨 天命果不可

遺材賢能者登進疑危者消釋破碎比周達為和氣無 欽定四庫全書 一个 士大夫而徳澤沙于天下益屈己下士無愛爵禄使無 以望執事者益聚執事益宜加意於在前使恩信及於 斯民者執事察見不少貸知執事之愛吾民者深也善 私知執事之於善人厚也與時州郡間夤緣軍與以漁 人之譽執事者日益多道日益光而名日益美故執事 不得進有才者抑而不得伸執事周旋獎激如謀已 相今天子豈非有以致之乎然執事位益尊天下所 宋文鑑

明足以致是而詠之之言亦宜聞於執事塵冒釣聽俯 而身日益不偶可謂窮矣然未嘗以一語鳴其哀於王 棄諸孤也奔走於衣食行年四十而老詩書志日益遠 賢不肖皆能誦執事之功徳而草野小人外及四夷皆 公大人之前今獨於執事之門發其狂瞽者知執事之 功業都美譽而貽子孫豈不偉歟詠之愚不肖自先人 事亦有無窮之間實惟萬世相之術于以永富貴建 仰執事之名姓朝廷有太山之安吾君有神聖之治







腾録監生日戴祖覃校對官中書日記 整總校官庶吉士臣張能照

欽定四庫全書管要 朱式雖悉一百二十二

詳校官候選知縣是蜀華

欽定四庫全書管要卷二萬四十四集部 資鴻博式副選輪恭惟其官竹箭貞姿天球秘寶 洞達天人擅博物之稱負多聞之益則何以掌蘭臺 啟 宋文鑑卷一百二十 五之府圖籍攸歸承明之廬俊賢所聚自非兼該文 賀刁祕閣 記辯魯壁之古文克分豕亥之非祭對鬼神之問 啟 宋文鑑 吕 一祖謙 楊 編 億

碩 自 郎之選荐列於三臺公望愈隆天眷 愛品 慕負康之所嘉稱羣公奉金以交職諸生攝齊而請 用刊正於綠網報明庭伏奏之勤副延問細書之選 乃育材之地適鍾下武之期禮遇甚優不至子雲之 翰 矧乃紫宸引籍 飛南國便歷亨衢奏賦梁園載居右席薦紳之 流 尚阻 以别且無方 願言慶抃倍異等倫 紅施行春循吏之語益喧於十部望 朔之 訴諸县限符竹之所拘 彌厚屬東求於皇

刮

埞

T.

一百二十

富德榮滯者過半零落者實繁熟謂鲰生更希殊進誠 積優游之幸自惟竊吹固極常涯别乃金馬蘭臺名 綸曹仍參靈職帝言郁穆殊無演暢之工王度清夷深 衰門積墨諸寡食貧嚴助豈狀於直廬都悟願補 念禍局至庸孱軀多病暗於機用動涉背馳恥介寵 郡乘穰守之方関荷竟臨之俯從聚庇本宗才惟 風井受強而擯迹向者起於將廢擢是無聞猥 類州鲁學士啟 1. 1. TI 宋文鑑

篇豈 緊哲輔克珍凶謀防檢未萌澄綜多碎虹氣由是霽 有翼囊屬先朝達裕臣黨興姦密嘯羣邪陰窺時柄允 之謙肯殊匪為儀欣悚交懷銘藏奚克 伏審肅膺鴻沛起殿大藩伏惟慶慰恭以其官沈正東 叙款俄唇酶函披贈錦之英詞徒知誘進示異林 一期優記遽移近藩獲依仁者之鄰實出非常之契 質舒州李相公啟 和懿德經三聖之變納繹惟深貫萬物之儀臣隣 夏

歃

定四庫全書 /

電 渥 **慝感露狐鼠失其深穴豺虎食於潜人協氣雲翔皇** 悴之交人言無間失左右之手國體幾虧大號繼 慰籍良厚毗倚增隆袁安涕洟念深於王室 上司傅致深文越處遐裔狐節彌諒高揖自沖据祭 澄洗司制 延即舊臣春惟寒賛之賢首被優深之 一謝傅憂 明

霄塗為之密清精貫三辰頼深百辟終以洽聞飛語

之

E

Э

Þ.

As ALLO I

宋文鑑

有識相歡薦紳攢耳以聆風斯文聯冊而刊美洪

惟

望結於蒼生雖暫

假

於

鎮臨必坐階

於密勿至公來

義不戴天難下單手之拜哀深陟此忍聞傑休之音車 奔走道周但私慶於單危將永歸於延鑄 高範絕出常均其恪守郡條欽聞朝與不獲拜伏車下 府露章槐庭泣血王姬築館接仇之禮既媽會子回車 濟空拳然念順威先人沒於行陣春初母氏始棄孤遺 膺使指往奉歡盟選授至製道堂差近况多侑幣

勝母之游逐報荷兩宮之大庇戴三事之昌言退安四

益薄惡而可嗟習見為常遂安恬而不惟伏以秀才學 義之心不辱資忠之訓永惟佩服何但銘藏 壁之貧如獲萬金之賜其官力持名教素獎孤寒屬商 竊以考行選賢故人皆修徳而自厚論材較藝則下或 利於摘山闕言心於奏記何圖驛置先墜書筠俯哀蹈 巴而忘產誠誘養之道殊致進趨之勢異爱久之俗 答胡秀才啟 歐陽修

優墳史詞富文章能力行以自强方報藏而待價豈期

2

1. dia 1

宋文鑑

者豈度之私貌好者非鑒之惠但慚淺識惟竭至公漁 之是先雖爾初屯理將後得必也治官學古為政臨民 終身之不回雖一青之何患如此則圭璧之玷猶或可 日月之更其將皆仰至於較定能否明辨是非形長 以交興逮乎究窮果自明白别朝廷之選士惟寒俊 雖 舉遂爾遺材惟賢食之不家顧良時之難得譬夫餓 恥嗟來因而無言亦將不及既一慙之莫忍遂兩 庫全 書 而平心視斯為成利公家而忘已效以必爭為 卷百二十

勧

埞

匹

醫禁 不通名曰學士一日天子闕左右之人思宏博之彦出 受命之始榮懼交并伏以國家悉聚天下之書上自文 者讓泉思古人而莫見私門受謝亦鄙志之不為 擇聰 天地事物古今治亂九州四海 之初六經傳記百家之說翰林子墨之文章下至卜 唲 謝 明俊人之臣 神仙黄老浮圖異域之言靡所不有號為書林 館 職 啟 以遊其間因其校雙得以考問使 **幽荒隱恠之說無** 歐陽修

秋文张

歃 **賛明命入承顧問遂益宰輔以釐百工一有取馬多從** 定四庫全書 | 出所以平居優游素服其業館以禁署食於大官詩 と一百二十一

菁我之育人才易鼎飪之養賢者凡在兹選得非茂數 上有鴻儒侍從之才下多羣賢論撰之我而修方被 者以寒陋之資被文藝之舉自初營職已與書筵於 而廪重職問則未免尸禄官無吏責則可容幸人若

修

窟之荆蠻流 離五年放宥三徙山川版履風波霧

毒凡萬四千里而後至于京師其奔走之役憂思之勞

有 忝 形意俱衰豈服舊學比其來復書已垂成遂因般功豈 佑 胃 明 微效奏御之日息馬 稱君子教育之仁猶 而幸會實有朝 過 主釣衙之任進退百官方酬衆勞不忍獨棄逐 出自生成在於顓愚何 與晏相公啓 此 レソ 往未知所 於面顏此葢伏遇其官柱石之功 宋文鑑 而前例紫發嘉正以職 裁 可以作為歌詩稱頌聖朝功化 ルク 論報雖未能著見德業 歐陽修 雖 佐 因

欴

定

Ð

車全書一

念曩者相公始掌貢舉修以進士而被選倫及當釣 問遺老之所思流風未遠瞻大邦之為殿接壤相交 之質愈逐而彌陳孤拙之心易危而多畏動常得咎 又以諫官而蒙獎雅出門館不為不舊受恩知不 **靱累人故於退藏非止自便今者偶因天幸得請** 元老學者宗師尚屈蕃宣每曆圖任伏惟上為邦國 然而足迹不及於實階書問不通於執事豈非 自伸懸悃之誠展幾少贖職怠之責伏惟相公朝 老百二十 謂

者來覲冕旒之邃喜聞履舄之聲從容話言固多仁者 深宏達業茂經綸弛張文武之才出入將相之任而日 竊承顯奉制恩薦膺寵拜伏惟散慶恭惟太師侍中器 面之重雖方勞於憂顧籍有素之威名然而患輕四支 钦定四庫全書 一人 保寢興企望旌麾無任激切 足爬撥於蟣風坐制萬里理當根本於朝廷即期 利體貌者哲是惟先帝之臣宜加異數之優以為 回文侍中啟 宋文盤 歐陽修 廊

紀以無由積感惊而徒 丘山近蒙春恩曲徇誠請與之近郡俾養衰年荷聖主 修猥以菲才久竊重任報効初無於毫髮怨仇已積於 廟之來歸始慰士夫之素望過蒙謙挹曲示海言趨實 諫院龍圖舎人深関孤危特迂海翰意愛勤甚有踰平 保全賴公朝之議論俱獲奉身而退方懷去德之思 風義凛然可激薄俗仰止門仍莫遑叙違銘之肌膚 回 諫院傅龍圖攀違書 切 歐 陽修

遠之至先以惠音且承别來福履清勝修以衰朽得 退 修 粗 此 永以佩賜瞻依之懇數道奚周 一藏如風昔之所聞皆少過於其實惟寂寞之為樂湏 有人事加以大暑遂成病驅旦夕之間方思布款 联達實增感 題但以根車之始視職方初 久而益佳餘非悉談更與多愛 啟兹者赴郡假塗久留實次過承眷與日接宴言遠 頳 州通判楊虞部書 歐 雖云陋 陽 修 急

Ė

2

9

þ

Li duo i

宋文鑑

謹密豈止典謨 兹 乞 者 在 之老久淹言語侍從之流以望之之忠誠兼孔光 下獲受其陰賜 骸 縉 伏承寶文內翰被召禁 回實文吕内翰 庫全書 1 寢興之問 而已久因閉成 紳皆同慶抃 潤色 敢期惠者先唇海言世路多虞方 雖 朝 况於庸 未正東釣之 敨 卷一丁二十 懶 廷遂變於斯文固以 顄 鄙最荷 與世而益疎豈無嚮慕之 林陞華内閣仰 任而 矢口 憐 姑 副 而多病早衰 歐 惟道德 朝 陽 側席之求 タ論 俢 思 名

釭

定

熙載之勞則歌於六府三事罷任之美則詠於松高蒸 伏 將直出於禁中參決其兵不關於公府 环光膺朝 清霜戒候內直方嚴惟難珍調以符瞻 權 統五代多故職乃有歸别谷通臣以本兵柄部分 賀吕 惟時宗工克對 相公兼 制兼 樞 總天樞伏惟慶慰竊以三公之尊古 密啟 宋文監 明命其官世基厚德天界大猷 承流寝失革 詠 宋 祁

波之惡歲寒已甚始

知松栢之心感慰之深敷陳至

訂美無 日 上意尤注時柄難分果屈上公臨判中務擇清明之便 盟差首盗塞保障四鄙未使窮追調發干金不無煩費 , 决無不見之明曲逆六奇遂倚先幾之勝奮庸有待 協濟聖功丕冠皇極 賀吕待制 焜煌之冊書百碎歡聞多方於 ~倫基適 謀案邊吏之瑣甚精轉關中之漕相繼漢皇萬 (館州章方遇謁舍詔文布下私慶叢矜 然德有重做運無常安遼種寒 愜方且坐料脆 敵

欽

定四庫全書 |

卷一百二十

縣官乏財首膺食求大經用度游刃於肯於之地遺東 官食徳雖舊挺世自高使 於邊保盈虚士夫臧否料敵人有以進退繫今日所 見效者明清議惟允用虚前席之待趣好追鋒之還至 於減裂之餘勤勞三年兵以足食殿最百吏察不過係 世司徒紹鄭人之前美一門宰相匪衛公之獨賢祁 承祗膺召節 危必為上言以救時弊然後徐副民望安步台皆再 將造昕朝詔目疾騰士倫交於恭以其 宋文鑑 煩而能與聖胥會河朔艱

+

言 應 無容愧竊念祁 帷 游從久棲蔭映側 營屯看集亭鄣蟬縣列屬九州有宜得更於事 競 定匹庫 狀方漢被以頂去俄 强以軍旅比者承乏真定臨制中權率職半春無 明緍 定 74 全書 俯循華 謝 到 任上兩 短謀腐學病質衰年自宜力於藝文不 組 聞 地由邊重帥以儒祭任不值能 卷一百二十 府 稱促陰構延登慎夏有初舍祥 假節而益遷進領博陵架控 敨 宋 祁 治 出

萬 之虞操箠可制豪桀之驕持簿可期 妆 積 かせ 所 百 食 萬 有 質參政侍郎 頼虜運百年天聲萬里戌餘計鼓之息城無早 俞伏以其官明惣 Ð 無日不討於師 效 贖 一之長謂愚可矜雖拙猶用遂俾文吏超 勤不然巢林一 霏 曠官延治不私好蒙 敨 號為劇藩當待賢牧寧兹 庭官 枝素省身而 輔與邦 知 租 繂 所 **斂分假令入竹** 賦之入倚國 廣十取五之 宋 祁 觚懦 攝 為 闔 路 元

私喜請府莫 天賜耆明俾輔王室果谷魁壘之彦入佐調樂之宜追 厚. 欽 潤 審光奉制書進知機務伏惟慶慰恭以其官函徳之 山劇部全趙故封地聯六州身擁三級任踰于分祭 剛中而明旅力四方寅亮不續邦被風教用飫民瞻 定四 赫號行下薦笏數聞祁方守塞防側聆恩冊振構 鎮 驅前席延拜揭日當午物無斜陰推雲崇朝澤 庫全書 人 府 謝兩 諧 府 敨 卷百二十 祁

不充士官靡值才幕府欲仰給之饒度支解經用之窘 以戎閩因過都而俾謁緣重帥而許遷敢留于行已踐 思報竊以河朔之地天下勁兵分四帥臣皆 職此益伏家其官助邦善育為上亟言齒擢誤加庸 而祖承平之習訓練弗精因流鐘之餘原帑常之馬 **秋文版** +

遂丐外除其逃多悔國有賢翰朝無廢人料自閉州受

價輕伏念祁為術空單禀生吃怯切華禁署談籍

惟孤拙以自持無游說而為助年將壯邁疾引衰來

官 伏審顯奉制書進開公府馳郵旁告望履胥歡恭惟其 欽 操正皇度基於忠直而其用若晦然為經綸而选 直德閎材懿文淵識感會明聖舊庸宰衙陟降三階 定四庫全書一人 繆四近扶湖於惟墙之 府方縣託庇高明叩於危戀 日投藥於可療之初誓當悉心稍期集事守符云始 相為患未知所圖伏其廟謀深體邊務時限於未潰 賀司空吕相公改 卷一百二十 漸 放於春漠變肥於鼎飪 淑 之

成遲周時之凱入敏王體以為急非私抃之敢語掃門 翹叢集丹烟 及此歲陽之變若時拜家未曰時熟姑以遵漢傑之奇 兵侵之騷邊屬廟謀之待畫舉走趣召則民識所從 以煩士鑒有歸王室是頼固已功輝當世名高古人自 攸先恩章果沛診於與誦以合賢期在昔揆路之升 餘蔭宇知庇限有印章之繁莫遑賓館之越企戀忻 定疑則師有必克矯前達而不伐制勝策以無遺帝). 15 B 宋文鑑

į

曹分從於病廢長民近輔復被於記除此益其官東國 治均賛時化育亮采通於百志紫友周於萬微大道甚 太峰之墟肇自上皇之世有始之後爰開盛徳之封派 勧 和頃解 念方平平世為修散財乏用荐更臺閣之要久司户 之嚴海鳥暫留亦受太牢之餐風簫忽過豈指雅奏 師首善之流實熟舊均勞之地祗曆朝命監領審麾 埞 矢口 庫全書 陳州謝上啟 郡章獲歸里社龔安末節遂以窮年攝迹開 卷一百二十一 張方平

夷至誠斯格敢不仰虔存錄自力衰疲更礪鈆刀聊施 禀靈山川為世梁棟邁一徳以齊俗含至誠而協中 茂功越成優詔均逸雖帝堯四嶽之任下統諸侯而姬 者董正武經毗参公鉉折衝出於樽姐威令被乎夷戎 如 ·遠符光亟遷蔵籥睎虹蜺之隆燿渇江漢之清流心 旌 起司車公告 !!! 摆訊将兩絕伏惟坐鎮南國翁寧純禧恭以其官 「鄭資政 所憂為乗難効於長驅 宋文级 劉 古 敞 往

仌

廟朝益綏福 旦九罭之詩咸思家服紹惟注意固亦匪朝敞閣於 缺之姿守撰陋之學材不泊衆智非過庸雅從講**聞** 甲之饒風聲語俗之盛擇守未易得人為難豈有抱空 人幸兹守土誠陶鈞之遠及機於戟而無緣仰與上為 以威節兼四千石之重連數十城之封自視缺然曷以 州上腴見稱前史素地四塞實雄諸侯至於人物車 知永與軍謝兩 祉 府 啟 劉 敞

聽得完下情頑疏之人滞固於事席先子之緒業站太 幾所長尚有云補下塞讓歷之口上答甄鎔之私 換能苟微胃寵思過固當勵斷断之節立優優之風疾 伏蒙過采浮議使承乏官借寵則禁循涯而懼願留 分羣力並用不愛美錦曲從庇身之求申錫介圭略比 元侯之舊蓋觀國者以處遠為陋事君者以居中為榮 王安石

此此益伏遇其官專運釣之化隆作厦之功至和平

飲定四庫全書 人

古人而固陋嗣蒙動軟乖於時變以此而遊於世未當 伏念安石孤窮之人少失所恃雖 平之不欲高明 願 葢言有守未操 言誤知欲觀小試審處私計追惟舊聞不越姐以代 常之寺名備位於兹歷年無狀安全者幸廢去乃宜何 易而佗使依違王事雖名 王司 封 刀而使 在 上悃愠於中臨 (割可必無 理之未安妄胃人知亦生 谷怔松果於得請 傷軟 勉心竭力求以合 敢用是固辭 王安石

瞻 吏以至其去重煩送將又賜其行使不留滞爰初就道 書文報答騎從見臨不以先進略後生不以上官里下 見恕於人而自趙走下風習聞餘教慰籍之禮稱揚、 私忤嚴顏而不加犯上之誅拂盛指而更以首公為是 定日車全書一个 爾踰旬乖離雖新感戀殊甚伏惟順節自壽副人所 謝提刑故 一官前更三歲不時罷廢實賴全安遭值使車 宋文鑑 王安石

愛君之操仁民恤物之方實禮賢豪包收疵賤益當 昔者幸以鄙身託於盛府無薄才以参籌疑之用有疏 **儁善迓福祥固有神明陰來輔相褒陞之寵倚立以頂** 以累含容之寬久而再惟滋以自愧伏惟其官憂國 惟為上自順副人所望 上韓太尉先狀 王安石

優過載街盛徳尤激下情達離尚新企仰殊甚茂惟賢

州部頗望風而震恐將投劾以去歸敢圖高明見遇

豈易談言 皆慎所以與人欲示其自養之污隆必觀其所遇之能 書之衆或以為煩方隨傳車得望步履固願階緣於時 浴於餘澤而且歌舞於下風孰云去離逐自疏斥徒以 灾 否深慙固陋有玷獎成將次郊關即趙墙屏其為感喜 昔因得鐵仰於緒餘敢圖高明先賜勞來貴以下賤不 地殊南北勢隔甲尊小夫竿牘之勤不足自効幕府文 谷其行之班賢而容愚不誅其禮之曠夫惟昔之有道 包日車公共! 宋文鑑 キャ

陋之質拙陳於時聞先子之緒餘慕古人之名節是勉 蒙恩寬裕得郡便安郎日造官以身受察竊念安石鄙 官即盡為貧之謀尚簡歲時亦預在庭之數來佐奉 知常州上監司啟 王安石

收甫更二年數求州符就更畿縣顧神明之罷耗當事

之治穰慙非其宜解得所欲遂以一身之賤張分干

震驚惟此陋邦近更數守吏卒困將迎之密里問苦聽

里之憂荷覆露之生成出偽賢之無按竊惟幸會良用

將 則 之煩自非函容少賜優假緩日月之效使教條之頒 明之材簡在清東久於煩使體愛養元元之意樂扶 以上稱督臨下寬凋察伏惟其官逢亨嘉之會奮

持 願 順節宣以需發電 斷 賀韓魏公啟 斷之能庶幾始終得出此賴未期望履尤切馳情 王安石

宋文鑑

さ

伏審判府司徒侍中寵解上军歸榮故鄉兼兩鎮之節

國無危疑人以静一周勃霍光之於漢能定策而終以 人才未用為大恥以國本不建為深憂言衆人之所未 命攬中權毀譽幾至於萬端夷險常持於一意故四海 以公之用捨一時為國之安危越執鴻掘逐瞬元輔以 氣為世元龜誠節表於當時德望冠乎近代典司密總 有褒加之崇在於觀瞻孰不慶美伏惟其官受天秀 迷慈聖以謙冲退託內揆百官之衆外當萬事之微 任大臣之所不敢及臻變故果有成功英宗以哀亦

於義出處之適其時以彼相方又為特美安石久叨芘 為元功未有獨運廟堂再安社稷弱亮三世教寧四 遐風 比之嫌用自絕於高闊非敢忘於舊德逃聞新命 實預甄收職在近臣欲致盡規之義世當大有更懷 **姐然在諸公之先與乎如今日之懿若夫進退之當** 疑姚崇宋璟之於唐善致理而未當遭變記在舊中 賀致政趙少保啟 A.S. 宋文鑑 王安石 亢

2

ĥ

深欽仰 竊審抗言解寵得謝歸榮繇西省諫諍之官序東宫師 之節嚴嚴方當上輔遂從雅志實敦貪風未即披承徒 保之位殿廷鳴玉尚仍前日之班里舍揮金甫遂高年 樂伏惟慶慰資政少保懋昭賢業寅亮聖時伯夷之 審得謝中楹戒歸下國孔然致仕議臣雖願其留陳 惟清仲山之明且哲所居之名赫前豈獨後思爾 賀致政楊侍讀啟 王安石

方に 月 在 き | |

辰清明取位通顧義勇不挫忠精無流登備諫工管己 美意云何敢忘備位於兹仰高無止 數見器則深竊胃上官之大知唯所不欲推揚後進之 引年去位循禮得中唯其養恬有以鎮薄安石望塵非 凛侍從功名之美既雅於將來智略之閱循嗟於不試 告嘉猷于后奉将使節則必下膏澤於民儀儀會朝凛 廣乞身觀者固祭其去丁時翁絕取道阻長繁盛德之 師宜明神之實相茂惟與止休有福祥伏惟其官強 宋文鑑

欴

定四車全書一人

載右史之筆初目於清光典四禁之文遠更於近職龍 非材稱幸出意涯竊思居廟堂之尊當家國之盛而能 之多祥冀順節宣深綏福履有少儀物具如别牋 恭惟大王膺保徳名踐修猷訓纂祭懷之舊服襲壽豈 國擊寶在庭逮以好音中之嘉惠看存即厚慰感實深 伏以畿疆阻陽親止無階道,義流聞瞻言有素使旃及 謝知制誥啟 謝高麗國王啟 表一百二十一 王安石

儒 文上有帷幄宗工鉅臣以經 有 而大訓之所基本在天太微之西掖而元命之所淵 恐未易講寥廓之治追醇聽之風葢在古二帝之遺書 碩學以閱勵精祲之際况名命之所出而禁嚴之所 而主澤汪洋當時得人後世載美有赫昌會於皇彌 如起两都之隆致開元之楙其間詔書之始下政事 施固多高文大冊之傳嘉謀讓議之益使王言温 綸風化之源下有蘭臺鴻

鼓舞天下之動神明天下之幾非典謨文章號令風采

欽

定四庫全書一人

宋文鑑

念去書林之直有先人手澤之存即編聞之趨仍伯氏 官之禮才奉試言之榮答准南之章俄然視草之龍重 史臣之多聞敢意滕獎之靡遺廼推瑣凉於非次給北 司會之繁一涉丹墀得識天子之能事更持紫素她亡 星之車還預傷遊誤對高門之地未及深明之壓已搜 之奇偶濫偕於計文幾雖先於歸級往裡劇治趣駕屏 承之透閣於古今治亂之適識滞於用藐亡賢知馳騁 司匪肩其倫實點華序如珪者姿禀沉霧器能枵缺學

之事功樂育四海之豪畯如大庭之旅萬玉不以斌扶 文之舊豈容單陋寝竊高華兹益伏會其官以材 <u>ر</u> (敢 未至之難慎漢制之頌期盡追於三代楊堯言之善 純覽文雅之望以風誼高博主名教之歸啟理當世 無庸 忘巳日之私愚心區區未識所 掮 誦於四方或犬馬未衰冀涓塵有補底切君恩之 5 如匠石之區衆材不以梗). J., T 敢不 佩 飭訓辭參祈體論矯其一 宋文鑑 楠而後巧致繆兹墨 錯 切之習第 主

쉷 白 灾 有進士驅之於後常以措意晚而自慙益人未之 廷之士進而不知休山林之士退而不知及二者交 不仕豈為異以嬌人上之則有制策誘之於前下之 於世學者莫獲其中洵 匹 矣以為欲求於無辱莫若退聽之自然有田一 庫 阳府啟 以求用世未之信而有望於效官仰而就之良 澅 卷一百二十 幻而讀書固有意於從宜壯 蘇 洵

以為養行年五十復將何為不意貧賤之姓名偶

匹夫之賤 上則 而審觀其才則上之人猶未信其可用未信 石元 詔思被以休寵 而慄 洵之意以為近於强人遂以再解亦既獲命 而必行 顄 君 上以慰夫天 惟 舒像百辟德澤 無似或謂可收不忍棄之於族人亦 其私意豈王命之寵而敢望其曲 退 宋文鑑 而自顧愧其無勞此葢昭文 一下賢俊之望下以解其終身 所暢威刑所加不腸 而有求 而 相

聞於朝野向承再命以就試固以大異其本心且

<u>ج</u>

<u>.</u>

裁擇 各有 饑寒之憂仰惟此恩孰可為報昔者孟子不願召見而 審光奉帝的入持國樞士民誰詳朝野響動恭惟 子不解小官夫欲正其所由得之之名是以謹其所 取之之故益孟子不為矯孔子不為甲尚窮其心則 賀歐陽樞密啟 說雖自知其不肖常願附其下風區區之心惟所 以設樞密之任乃是天下未能忘威武之防雖號 蘇 洵 國

皆由省府而來以答勲勞之舊一歷二府遂超百官既 無跂足之求懂若息肩之所自聞此命欣賀實深益因 治葢自賢者之在下風自今而言夫復何難願因千載 百歲之承平未當一日而無事兵不可去職為最難 昔起於小官曷當須臾忘於當世以為天下之未上 議之所歸以慰民心之大望伏惟其官一時之傑舉 教則損國威專武事則害民政伏自近嚴屢更大臣 所推經世之文服膺已久致君之略至老不衰顏 . 天之監

去就之粗明不能當世俗之心故毀譽是非之相半向 歃 埃奔走之勞遂獲清問風土之樂養親有裕處分亦宜 念 遇 定四庫全書 局備員僅逃於譴滴海濱貳政實賴於與提脫去塵 得 際 闢學不知方才非適用嘗欲慕古人之節故窮達 通 無由知王道之大行不意臨老之年猶及見君子 位 一新四海之膽洵受恩至深為喜宜倍嘗謂未死 阻以 倅謝 在外闕於至門 两府 敨 卷一百二十 仰祈高明俯賜亮察 姚 闢

則追漢唐之遺風或革或因有損有益茍至於殘脫而 其書皆顛錯而不完歲時凡欲按行驗於胥吏之所舉 帝之御圖閔悼太常之蘇禮謂所職者因緣而無責故 舊學錄錄於繩墨法制之下固已丧失其本心適丁先 不考將何以依據而奉行求其本末之並存莫若簡編 儀而君后祭祠熊享之大法遠則迹商周之故事近 廷將大與作詰之有司而莫知以國家文物憲章之 ALIA I 宋文怨

第偶竊小官區區於米鹽簿書之間無所增益於

ے ا

Ē, ٢


蓋

獨言之貢擊排所至徒有愛君之善心忌諱不知始匪 案贖繁多而義皆無統紀網缺略而事莫得詳夫以 不學之貨而當篡述所難之任勉馬或局法乎無涯 **備具俾有定責遂立别資顧惟不才報亦被選然而** 不能東義以收處保職而自安頃因天變之來妄以 朝 畢力者五年補關收殘者百卷雖未足發揚休美 制作之方亦聊 卷一百二十一 レソ 級緝緒餘備來者考求之用 鄙

ゲ

謀身之良術幸 顿主上宽仁之厚明公保庇之全謂罪

THE PERSON NAMED IN COLUMN



循 之子意愚弗能教徒聞古人之大義而未能志其一二 教于公宫三月祖廟既毁教于宗室然後能修身行禮 襄聞古者師氏教女以婦徳婦言婦容婦功祖廟未毀 欽定四庫全書管要卷二萬四十五集部 法度奉祭祀以配君子而成室家之道也襄有先人 敨 宋文鑑卷一百二十二 謝 倪評事禮書 宋 吕祖 陳 謙 襄 編

之輔邦未列慶函首結榮牘矧本朝之為老實延閣之真 子恐侍從久勞逐容均失龍之士諫之優秩付以中京 承即便時已開尊府益賢者以出處一致因請宣風天 唇事惟以寒貧賤之門是擇實非其宜既唇嘉命襄不 欽定四庫全書 / 今足下順先典貺襄書禮以賢嗣秀才德成業茂將 辭敢不夙夜教戒以勉派官事 代賈內翰答蔡州錢龍圖改 巻一百二十二 强

儒力通聖言倪閥華閥蚤勸經惟之講日瞻法座之光厭

車之順游唯特傑材乃稱華選伏進某官氣涵渾厚道 伏審茂對制恩榮躋法從側聞異數竊标丹東於皇聖 思得正人匪朝升用伏望為國自厚副時所傾 辭並延儒臣增重禁職居則備法座之清問出則扈德 辰若及古道絕象朝之遐武敞二閣以右文倬彼天漢 事朝游樂觀藩政然而公卿要明大誼自昔推崇左右 昭回揭為實宇之目坦然帝制之明白秘厥宸篇之 代王給事回陳待制啟 强

宋文鑑

改未修慶問先肌珍函過 巽枉解益銘謙矩永言感擇 **威會弱養新政惟故事之甚明舒鬯元猷抑與情之所** 方司朱郎之裁牋聽禹啟之謳歌遽際洪圖之續服首 際醇深蚤踐積星之垣人提太史之筆級應劉之實客 幕府初開謂必收於豪畯碎書案上終無異於辱庸自 擢東藩之舊進性近侍之縣別日月之親逢有風雲之 謝水與軍知府王龍圖放 卷一百二十二 强

定匹庫全書

曾 自選士雖指麾一定但專委於文書而級御兩間亦 ĸ 慶而及此斯盖伏遇知府安撫龍圖誼無求備請 行存心獎提極力論置始奏已光於疏暖別至再三 八所知之求莫如茲舉之確旋叨成命增悚懦東竊以 とりし 州縣唯簿書期會之是知生長江湖何車甲訓齊之 於論議參是幾事要之傑才若至甚愚無它可來驅 試乃胃從軍之選殊亦責實之宜非保任之使然曷 服以西雍都為劇的壓五路兵雄萬屯從來長人得 A ALIA I 宋文鑑

被 幾立身以報 命中宸效官南服門墙愈遠慮遺冗外之蹤成 能絕政於高明寧神萬一第堅素守益及舊聞侍 黷高明之聽仰惟坐鎮俯 懿文表世早行賢業自結主知 問侯程密諫啟 使少知於方略免陋儒之說期自奮於功名庶 順 生 陞 經恭以其官亮節 諫署之華班 强 至 牒 經

卷一百二十一

庭之秘直中外养歷明哲惟均

父母一州猶鬱於

無

寧居金穀主謀恍迷舊習豈謂浩繁之委不遗孤冗之 扎之造以就生成之恩 議領袖百碎行副於具瞻俛惟下條當備屬吏庶終块 厚上澄序庶位不簡賢而附權具足無長乃名宜職尚 抵奉明絡就切寵寄京畿近服邦漕重司併集茂恩縣 容竊位曷拜公言效局無堪康官有素江淮易任曾靡 加庸品切以為國領計須官得人饋輸中都不版民而 代謝兩制 狀 强 至

巴可車公書

宋文鑑

慎厥修永矢捐軀仰酬知已 易甚難之道任伴總外臺得當失之寵禁復聫內閣 劇盖軍須自昔之尤煩繇頻年水冷之餘顧民力至今 初脈事已懼隳官於皇本朝分置諸道惟北土漕權之 此盖伏遇其官言味借優褒華引重振拂污滯矜憐 未復加用度之百出無利源之一遗宜得水冠之偉 愚爱聞當尿之聰處復外臺之命敢不周旋乃事恪 万 代韓待制到任謝史館相公改 卷一百二十二 强 至 云

人於既往雖匪功而亦用庶物士於將來遂便拙缺記 日要部豈宜煩使乃屬寡才省其由來何所自得復 稱曾莫少成於績效既有所試是云不能別惟朔陸最 河以東全陝之右計符連領固當歷董於輸將治狀 所容技有俱短蚤知忠誼之自勉晚喜功名之可為大 更新百度宰論可否朝偷慘舒以後放之足求靡 人之寵良縣造物之私此盖伏過史館相公首賛萬

<u>ڪ</u>

5

Zr 410 :

宋文鑑

能老於金穀之要術因才以授於職乃安如某者器

祗荷寵捏不任戰就竊以國家右文家昌聚書增廣經 有 道術分裂時師異言下速九家猶看於野被雖小道亦 始靈蘭之祕發揮河洛之文表章著明淵源深厚然惟 凋罷之俗罔有貳事少酬大鈞 叨甄擢敢不圖講長利澄清屬封弗顓聚欽之能無拊 非一多愛益新名山之藏為空廣內之策加倍而 可觀故拜官以多差而弗遗詞城比博奕而蒙幸 四月白豆 除校 勘改 卷一百二十二 强 至

灾

實事求是聚精會神芝夷複重筆削踢繆是以圖書之 色雅處郊庠經汎為通非有專門之效器不周用動始 過絕篤志淵微言古而能驗今聞一足以知十則何以 府貴比列星之居校學之官寵甚治民之最自非精力 **慨嵇生之怨憎居甚畏言慕夷吾之老吃曩者扳自邊** 而逾久求俗學以復初顛冥失圖在英過肚性不傷闕 群雌蜿之為字信魯魚之失真子雲沈思産能宿職安 世點識乃為得人伏念至生質晦冥天機瞬淺染人偽

The state of the s

乐文鑑

恨於崔嗣賜納猶存尚孰何於衛館逮禁林之給筆慙 枘之譏先皇帝志在育材詔從武可白衣不召徒焓 在茲静言伏思寔有幸會此盖伏過其官獨編帝 士之比肩所貴莫邪干將為其立斷惟是朽株枯 旋化釣大受小知未始違於精鑒言揚事舉盖曲盡 **瓠落甘觸報聞豈意寵思橫加弱植委蛇塵滓濯質** 賴先容然而地寒者品常後人數奇者功不中率 顧 一捫心自驚非萬有一之凱望屈指點計慎十失五 卷百二十二

厚知 **應崇國華智無人傑幾深開物以成務倜儻扶義而濟** 書居積道跡之歎恭惟節宣時若啟處用康伏以来官 景尚其於晚收管蒯之微無忘於代置上酬洪造次答 啟之淺聞砥節礪行以為修臨淵復氷而申誠桑榆之 跼守陋那坐縣賓館誰謂河廣曾微抗華之艱畏此簡 與孫觀大改 强

欽定四庫全書 一

於所長底是庸虚胃于甄錄謹當思浚明之成德勤恕

伏審中語推恩上臺得謝參青宫太傅之貴保安車賜 終之義勉祈善毓以副禱詞 遥而自得推數循理已符傾否之占求舊記功方盡樂 愠矧以全德邁衆達生徇天宜其捐芥帶而何疑寓道 美為其去令尹而弗憂言仲華之賢亦曰褫龍章而無 知其必然污隆之期賢者盖有以無問是故稱子文之 賀致政少傅啟 强

功內參帷幄之謀外膺方面之寄夫倚伏之效巧歷猶

卷一百二十二

辭台則之機任即侯服而優落貌體之隆固弗遺於黃 長者之謀膽仰之誠一二奚瓦 物外揮金之樂不減於疏公掛車之榮足助於廣德竹 髮止足之計乃獨得於素心遺塵垢於慎來即逍遥於 作誦老成重於典刑而高對所存功名付之天道由是 · 定日車全書 濟時士林以師保而允懷王室緊股肱而是賴雖大雅 几之榮休風穆然與情仰止恭以基官全德邁種英猷 所載今昔同符政間英聲例深景行寓高門之地親 宋文鑑

臺蘭之模凛乎肅於朝著方倚直絕之用處齊半析之 贖不忘首辱惠存之問聆布條之伊始惟善俗之有方 古人之清通為來者之矩獎那邑之政沛然語於民言 與潘於海裔盖切循良之選爰咨端諒之能自承擁傳 **總者某官奏南司之課膺中詔之褒進左曹於省聫** 之去東居悵拊塵之坐隔懷鉛自窟未遑緘候之儀占 務多聞福基衆厚伏以其官與學敏識峻節孤風得 回登州知郡司封啟 頌 領

暑坐遠清言願導御於魚冲與宜符於善禱 竊以天下之事難於改為自昔五代之餘文教衰落風 茲出守聊為外資詠中和之詩已宣於主澤還顧問之 行昔者由御史而為省郎唐官謂之清望出諫官而補 俗靡靡日以堂地聖上慨然太息思有以澄其源疏其 郡守漢臣因而自陳矧惟碩哲之謨先協前良之美諒 列行奉於帝俞榮據顯華之塗兄為孤拙之比適臨歌 謝南省主文與歐陽內翰改 宋文温

欽定四庫全書 .

復作大者鏤之金石以傳久遠小者轉相模寫號稱 深者或至於遷務奇者怪僻而不可讀餘風未於新 之士罷去浮巧輕媚叢錯緣来之文將以追兩漢之餘 而漸復三代之故士大夫不深明天子之心用意過求 明的天下晚諭殿古於是招來雄俊魁偉敦厚朴 以降無足觀矣伏惟内翰執事天之所付以收拾先 紛紛肆行莫之或禁盖唐之古文自韓愈始其後學 而不至者為皇甫湜學皇甫湜而不至者為孫樵自 古 直 獘

家居碌碌無所稱道及來京師久不知名將治行西歸 柄意其必得天下之奇士以塞明詔軾也遠方之鄙人 王之遺文天下之所待以覺悟學者恭承王命親執文 有司之所排使得将笏跪起謝恩于門下聞之古人士 與衆君子之議論故恬然不以動其心猶幸御試不為 無賢愚惟其所遇盖樂毅去燕不復一戰而范蠡去越 心是以犀嘲而聚罵者動淌千百亦惟恃有執事之知 不意執事擢在第二惟其素所蓄積無以慰士大夫之

九 足 日 車 全 書

宋文鑑

亦終不能有所為軾願長在下風與賓客之未使區區 之心長有所發夫豈惟軾之幸亦執事將有取一二馬 其平生而論其一日通變者恐人材之未盡故詳於 佐縣雅與評刑內自顧於無堪凛不知其所措恭惟軒策士方搜絕異之才隨問獻言誤占父虚之等忽 治之要惟有取人之難用法者畏有司之不公故捨 而略於臨時茲二者之相形顧兩全而未有一之於 謝應中制科改 卷一百二十二 蘇

家者能孝而恭在官者能廣而慎臨之以患難而能不 責其當世之要用學博者入須守約而後取文麗者或 變邀之以寵利而能不回既已得其行已之大方然後 考試察舉之法每中年報下明記使兩制各舉所聞在 考試而奄之於倉卒所以為無私也然而才行之迹 **弊魏晋中正之所以為多姦惟是賢良茂異之科無用** 由而深知委之於察舉而要之於久長所以為無失也 然而請屬之風或因而滋長此惰唐進士之所以為有

使写車全書

宋文鑑

請謁公行之私終用考試而無倉卒不審之忠盖其取 得以及其素一陷清議報為廢人是以始由察學而無 觀其默識之能無所不問之策以及其傳通之實至於 書之召命已為天下之選人而又有不可測知之論以 而自信治經獨傳於家學為文不願於世知特以餓寒 人也如此之密則夫不肖者安得而容較才不追人少 此而不去則其人之可知然猶使御史得以求其疵諫官 以用寡而見尤特於萬人之中求其百全之美凡與中

之憂出求斗升之禄不謂諸公之過聽使與犀豪而並 論事迂闊而不能動人讀書陳略而無以應敵取之甚 軀自今為許國之始 下所以太平必用芻蕘之說亟收末學以輔大猷然志 周之業為已任恐一夫不獲自盡以為廟堂之憂思天 愧得之益慚此盖伏遇基官以堯舜之道輔吾君以伊 游始不自量欲行其志遂竊俊良之舉不知才力之徵 ALL DIED TO THE COLOR 處高德簿寵厚歷觀前輩由此為致君之資敢以微 宋文鑑 +

歳不乏人而衆獎之原猶或未去豈聽之者徒能容而 朝廷之上號為無諱而太平之美終不能全臺諫之 家之鉅福乃用諫諍之真才必能深言以補大化方今 伏審新改直職權司諫垣傳聞通遐凍動觀聽成謂國 而道祈招之詩左師觸誓語鹽粥而及長安之質徒盡 因當世而用智不務過直期於必行右尹子革因墳典 不能用言之者但為名而不為功歷觀古人之效忠皆 賀楊龍圖改

贞

月白雪

卷百二十二

言苟獲用國其庶幾伏惟諫院龍圖才雄於世而常若 憂以為必得朴忠憂國之人而又加以辯智得君之術 去之恐習慣以為常逐因循而不振雖在僻陋顧常隐 拳拳之意不求赫赫之名此仁人及物之休功忠臣愛 不勝節過於人而未當自異素練邊事深知兵騎項持 君之至分伏自頃歲所更幾人席未暖而報遷踵相躡 而繼去然一身之識因足以免矣而積歲之病當使誰

銓衙實識官冗必將舉大體而不論小事務實効而不

大足日事公告

宋文鑑

道不勝欲私於為身君臣之恩係察之於前妻子之計 伏審抗章得謝釋位言還天眷雖隆其每已行之志士 苑之篇若有待而言或能著爭臣之論阻以在外無由 天下之公患去就君子之所難世靡不知人更相笑而 為左名戰最紫深知恨無少補方傾耳以聽願續書諫 流太息共高難繼之風凡在庇麻共增慶慰伏以懷安 至門踢躍之懷實倍偷等 賀歐陽少師致仕啟

堂之舊欲使辭福於當年有其言而無其心有其心而 朝之望文章百世之師功存社稷而人不知躬復艱難 其人伏惟致政觀文少師全德難名巨材不器事業三 則孰能見幾禍福之先脫屣塵垢之外常恐茲世不見 於顏子存亡進退周易不及於賢人自非智足以周知 無其次愚智共敬古今一塗是以用捨行藏仲尼獨許 仁足以自愛道足以忘物之得丧志足以一氣之盛衰

宋文鑑

推奪之於後至於山林之士猶有降志於垂老而况廟

伏審近膺告命入總極機中外鋒觀朝廷增重伏惟慶 少慰輿情 明哲得保身之全伏暑向闌台候何似伏冀為時自重 受知最深聞道有自雖外為天下惜老成之去而私喜 未及之年退託以不能而止大勇若怯大智如愚至貴 而節乃見縱使耄期篇老猶當就見質疑而乃力辭於 無軒見而祭至仁不導引而毒較其所得孰與昔多 賀吕副樞啟

灾

匹属台書

卷一百二十一

然而荷三朝兩世之恩當春秋賢者之責推之不去凛 望重者無所為而人自服是以淮南叛國先止謀於長 慰竊以古之為國權在用人德厚者輔其才而名益隆 身小人謂之失時君子意其復用迨茲顯拜夫豈偶 才上復思於舊德恭惟極密侍郎性資仁義世濟忠嘉 孺汾陽元老尚改觀於公權樽俎可以折衝縣藿為之 不採哀此風流之莫繼外矣寂寥而無聞天亦厭於凡 惟清節以鎮浮固已直言而中病出領數郡若將終 宋之監

樊會公無愧於古人莫若盡行轉告之言底幾大慰天 觀兵民交處盖功業威大則極名器而後稱惟德度宏 伏審孚號揚庭臨軒遣使出節少府投鉞齊壇夷夏聳 事恭惟留守太尉道本天合德為人師信及三川之脈 遠故處富贵而若無蔚為三世之宗臣豈獨一時之盛 乎其難進伯玉而退子瑕人皆望於門下烹桑羊而斬 下之望軾登門最舊稱慶無緣踊躍之懷實倍倫等 新定四庫全書 賀文太尉改

魚威加兩河之草木身任休戚言為重輕始若留侯弱 軾滴官有限超侍無緣踊躍之心宣寫難盡 寄忽為枯朽之榮眷此東州下臨北徽俗近齊魯之 迁愚之守沒齒不移廢逐之餘歸田巳幸豈謂承宣之 民聽方將威懷北敵係頸長纓約東河洪軌流改道然 定四庫全書 而遇高祖晚同尚父黄髮而亮武王既奉册書益新 入調伊傅之則歸躡松喬之游輿論所期斯言可 登州謝兩府改 宋文盤 蘇

遠謂使功不如使過而觀過足以知仁持借齒牙由成 其官股肱元聖師保萬民才全而德不形任重而道愈 羽翼戟敢不服勤簿領祗畏簡書策蹇磨鈆少答非常 迹皆泰漢之陳賓出日於麗熊山川炳燿傳夕烽於海 起於貶所未及期年推置周行遽參法從省躬無有法 崎鼓角清閉顧静樂之難名笑妄庸之濫據此盖伏遇)遇息點補剝漸收無用之材過此以還未知所指 謝中書舍人啟

勢有必至今朝廷方講當世之務力追前代之隆雖 改度誠國是之先定雖民散而可收技茅茹者以熏而 致治在於得對雖一 罷若驚竊惟人材進退之間實為風俗隆替之漸必欲 ·未足以成俗是以登進者老搜求傷良將使士知向 法令足以便事而未足以安民寬弛賦役足以安民 附馬棧者必先其直用舍既見好惡自明人知所移 晉盜可使奔秦崔琰進而廣儉成風楊綰用而淫侈 薛居州齊言不能移差而用范武

飲定四庫全書 人

愚不肖之分克位而已又不足以解卿大夫之憂蚤夜 以寬衰病任隆才下恩重報輕直道而行恐非所以安 於青黃變下無心於官徵誤家收拾已出優恩荐履禁 加虚名增重知丹心之尚在怜白首之無歸特借罷光 方民亦有耻如戟者山林下士軒是棄材少而學文本 璋上助廟堂之用言為蓍蔡下同卿士之謀餘論 殊非素望此盖伏遇其官德配前哲望隆本朝名重 律雕蟲之技出而從仕有狂捐嬰麟之愚溝中不願

以思進退惟谷恐懼戰越不知所裁 答試館職人改

伏承射策王堂方觀筆陣校文天禄遂秀儒林黨友增 報國之功乃在緩急有為之際養之無素則一旦欲用 紳共慶國家求賢之道必於開服無事之時賢者

從之地觀之以世俗不見之書非獨使之業廣而材何由行以非常則臨事欲解而不可故納之於英俊

抑將待其資深而望重其官學優而仕行浮於名解

末之監

中梁柱過而下馬空瞻董相之陵酹以隻雞誰副橋 自蜀祖京幾四千里携努去國盖二十年側聞松林已 荒落職在翰苑當發策而其辭識匪通儒懼品藻之不 稱過煩臨脫寵以書詞永為巾笥之珍愧乏瓊瑶之報 紙墨幾於縣貴得士之喜非我敢私軾衰病侵葬文思 令從容議論慷慨追還正始文章為之一新傳寫都城 定四庫全書)約官游歲晚坐念洋流未報不貨之思敢懷盡歸之 謝賈朝奉啟

恭承明詔追録舊數名胜松殿之嚴實遂安車之卷仍 之望豈謂通判其官政先慈孝義寫友朋首隆學校之 **充垂涕於基道皆禱今袴尚能鼓舞於民謠仰佩之深** 神交特致生易之真父老感歎桑梓光華深衣練冠莫 心常恐樵牧不禁行有雍門之悲雨露既濡空引太行 配田 西 上 儒次訪里問之者舊自嗟來慕不聞拔雄之規尚意 賀范端明啟 宋文鑑

既浮雲自開坐使遺民復觀威事子孫歸沐下萬石之 物隱德在人弱亮四世如果公壽考百年如衛武獨 聖賢有不能了父子之際古今以為難言方其犯雷霆 推餘澤以及後昆閩命以還有識相慶竊謂死生之事 懼舎之則藏惟有青蒲之言尚在金滕之匮白日 相重非人謀之所及恭惟致政端明學士至誠 時豈意收功名於今日惟天知我絕口不言像

|門君相乞言於三老之几杖更延眉壽永作元龜

賢相濟之成効是緊丞弱之重以底神人之和盖内揆 望竊以海嶽形勢非聰明獨運之能安廟堂經綸盡聖 伏審參政侍郎被書法座賛政台司龜筮獻祥縉紳協 命世之豪仰稱代天之任幸千齡之胥契聳億姓之具 瞻恭惟某人文妙於古今行孚於典策應不測之變而 百工坐弭源官之患而外釐四鄙點銷猾夏之謀疇咨 作若出開服議非常之禮而利害其能動摇凛然名 參政侍郎改 王安國

定四車全書一个

宋文版

品題之舊賜病骨未逢於起廢朽株尚冀於宏枯引至 章辭令之選茲實法度風教之原惟厚薄那正之所歸 士發稽留之歎側聞孚號畢罄数心別憂患之餘生辱 乃治亂威衰之攸緊篡辭深厚故能通物變之微替指 審外庭拜命西掖代言英材蒙知清論歸美竊以文 関但馳相個 播在夷貊北門持索三朝積潤色之功東府東均多 賀諫院舍人啟

鼓舞之盛事矧欲派風之復古屬當施恵以趨時宜席 皆合言發於性者則感人易深豈特經綸之大猷茲惟 來百善之長獨收高世之譽機靈深造於道德志力人 真賢上副明主恭以諫院舍人統賦學敬深資性原魚 於功名潤色鋪張固歸大手建明將順實專素心塞 霜臺恥混衆人之諾諾講摩聖訓力震大奉之紘 定四庫全書 人 宋文鑑

欽

坦明遂可格天下之動以至諭思懇惻隱民疲俗之

申制簡嚴武夫悍卒之奪氣盖識通於用者則遇變

所期盖朝廷有待該傅中外孰不欣偷竊以篤實輝光 眷解深惟降挹之謙祇益感銘之實 **疾休行被於康功雅辱眷存竊盛欣躍未遑慶覿先屈** 異雲漢垂光虹蜿遠近所傳縉紳交頌燦然述作將建 以樂育則休有成材之風以直筆則利正後來之法振 家之言鋭於討論底追三代之業威際甫期於登替 審顯被眷圖擢陞要近寵輝之浜雖儒者至荣付任 質察密學改 張 載

後患可悼而國力既彈將臣之重豈特司命王卒惟是 患處銷明識之士知有望馬今戎毒日深而邊兵日 而東其氣沮摧十亡八九雖非威舉然應機敏捷使大 莫知所為士民失措室家相吊繼聞為渭師所敗潰遁 不能破未有若明公之盛也上知之民信之所不足獨 命之正今天下謀明守固功累治勤浮議不能揺巨力 日新而不可掩者德之修禍福吉凶人力所不能移者 施於廟堂之上耳項慶卒内嚮惶駭全陝府郡畫閉 宋文监

恃而生誠願明公置懷安危維夙昔自信之心宜升 迹 奪天命則含識之徒不勝至幸引改門仍無任歡於 息以攘患保民為已任盖知浮議强力不足以勝 三秦生齒存亡舒慘之本莫不繫之旌斾在秦正猶長 歃 巨防利兵堅甲幸少選未召乃西座不貨之福載 山荒所有特一家之衆擔石之儲方且仰依兵庇 定 四庫全書 | 《 梴 館閣校勘故 林 有 投

條 禁中所覽别貯於太清而秘閣所藏頗多於三館並選 髮唆俾資校警百年之間顧網羅遗逸之不服四庫之 録猶品類參差之不齊固當訂正其外訛又己撰次其 就給筆礼增置吏員悉發廣內之藏無訪名山之副 ·威列聖總儒之勤悉聚前世之書遠侔治古之烈雖 目積有朽潰寝忘本真爰自嘉祐以來始詔儒臣更 <u>ج</u> 彌懼以中慚無已何堪靦顏無措恭惟本朝右文 As days 1 宋文继 十二

5

備員書局已忝下陳假職儒林尤非素望始甚疑而終

論從容歲年可觀人之能否遂因奏課例進職名方其 比茲再至功已垂成計其舊勞已實何有別以平時著 預集賢之才召盼春月處達閔凶餘生僅存孤養南廹 始時可謂慎選至於希者何足道哉曩在治平之初當 所得益廣互抄以補殘缺相校而除複重一新黃卷之 於是有出於問問而應募寫於郡國而送官其來不窮 風盡銷白簡之靈凡擇諸儒而共處或容賤士於其間 列承明之廬仰給大官之膳優游職業得專意以討 月白三 卷一百二十二

第等然始推恩而希憂患早衰荒唐不學外游吳市莫 乎樂育罔有遺材得由下邑之早擢陪諸生之後良以 台衛舊德社稷元熟鴻鈞運乎至和以無棄物菁我喜 速朝識退思厥由何以致此茲乃伏遇留守司徒侍郎 獲具書未過蜀人安知奇字由超走州縣之賤登道家 令先進諸公必由大臣之薦論重加禁林之校試尚須 寅緣之舊近茲亨會之成遂伸陋恩獲被嘉電雖遠施 之蓬山脱鉤校簿書之煩窺上帝之册府併為僥倖徒 宋文鑪

就其編摩豈惟平生多所未見實亦終老底幾自娛譬 於其中况今簡帙甚繁鈆槧未已願少假以時日底得 區區之愚有在於是過此以往未知所裁 天就市閱書委身為吏較前賢而已幸真風志之可償 以薄材親承大問論議羣起予奪相乘不意聖恩之 禄石渠號稱其最盛當時校文之士劉向楊雄得久 不以其報而自知者所以為明昔者西漢藏書之多 蘇

定匹庫全書 1

制策之及此及念科目之謂何葢其平時之所懷猶懼 謂不及則曰志勤道遠開其不諱則曰無悼後害切以 **譴生事勢宜爾追尋策問之微意實皆安危之大端自** 廷之直臣常欲挺身而許國位早力海自許過高言發 之心期以克終之譽辭不獲命處無以堪轍生於遠方 加緧獲從吏之殊寵伏讀告命重積震惶嘉其愛君 似愚直幻承父兄之餘訓教以强已而力行雖為朝

不足以仰對言多迂濶罪豈容誅伏以國家取人之科

巴日華全書

宋文鑑

Ī

惟是剛柔適中之士太剛則惡其猖狂不審太柔則畏 容而自居則天下誰當以奮發而為意比盖其官羽翼 之所不許因循鹵莽又有國之所樂聞使舉世將以從 甄收感恩至深求報無所告者西漢之盛莫如文景孝 所或能當轍之不才過乃由此然而計切憤悱為知士 其巽懦不勝將求二者之中屬之以事固非一介之賤 時冠見多士思盡劉竟之議以明寬厚之風羁危之 恃以為無憂紛紜之所恃以為定論顧惟無似尚辱 卷一百二十二

寬容豈其時君不可為之深言抑其犀臣亦將有所一 府司徒侍郎輔相三世始終一心器業崇深不言而四 至 悦轍才雖不逮時或見容非懷爵禄之榮獨喜幸會之 詠德美而不及其譏刺故三帝者好愛文字而無聞於 伏審力辭樞務得請名邦恩禮便蕃中外慶慰伏惟判 ALL OF THE PARTY OF 1 THE /賢制策所與世稱晁董公孫之對然而數子者領 賀河陽文侍郎啟 宋文鑑 ニナバ

方自服道德高妙無為而庶務以成此朝廷所以遲遲 於均快之書而士民所以滕滕於保釐之命顧惟出處 外安之未遑 有助於林泉道大難名信後來之其繼民猶思治恐 自得夫豈不懷別惟三城密邇全洛改獨止於民社 ·義實緊功名之終留侯志於赤松晉公安於緑野油 宋文鑑卷一百二十二 卷百二十二



腾绿盖生日戴祖覃校野官中書 臣苑 鏊